

T3205/5330.82

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
APR 15 1941

2

重修泰州志序

哈佛大學漢和
圖書館珍藏印

我

朝聖聖相承重熙累洽

治隆千古重農卹士

屢沛

絲綸

宸翰天章焜耀壁府敬

以登諸簡冊楷樞萬

祀猶恐美不勝書廼

泰州全志自勝國之

季修輯至今中間雖

經補修而條目未備

官茲土者日仰

聖天子嘉惠元元至意

浹髓淪肌翔洽充溢

而

隆恩鉅典未載汗青非

所以颺頌隆平宣播

至德也况秦州瀕江負

海東吳杭稻斥澤魚

鹽財賦奧區也科甲
蟬聯勛猷鱗煥人文
名郡也士尚敦龐女
多貞烈風俗勝地也

其間丁糧徭役分合
靡常

聖朝憫念下民爲全蠲
爲半減爲三之一爲

月四
格外之賑養老殷粟
帛之頒掄才廣彙征
之額均宜大書特書
而八十餘年文獻無

徵稽查莫據仕宦之
有政績士品之有文
行閭閻之有清操更
僕難數者亦半就湮

虞
五
沒將欲輕徇采訪則
恐以一時之德怨爲
是非而獨斷不疑又
慮以一偏之臆見爲

毀譽職在司牧因其
難而不復過問旣以
一官爲傳舍亦何暇
爲茲邦計久遠哉曩

萊蕪魏公鉞舊志之
版而新之更不增減
一字以云慎也師其
意則修之而存慎之

之心猶慎之而不輕
議修之之事是以鳩
工開局立意纂輯成
書以導揚我

朝鄧隆之化紀載茲邦
人物之盛迨徵討之
下而抱殘守匱詳不
可聞本欲爲畫一之

書究難免罅漏之誚
董其事者屢以不敏
謝矣雖然前人畏難
而貽之後今日之難

前日之所致也今復
畏難而中止勢必使
今此之僅存者而亦
付之凋零廢墜是存

者且因不存者而盡
湮也於是再四思維
萬無聽其盡湮之理
今取其現存者萃而

序九
梓之以附於魏刻之
後其放失鮮稽者留
以俟將來之增廓夫
博學鴻儒名山之藏

著述固自不乏以余
之身陋爲乘韋之先
安知千載之傳書不
因余小子一日之苦

心成之耶至於忠孝
節義事協秉彝井里
之傳似宜未泯公論
出乎膠庠則以諮之

學博虛衷采納勿濫
勿苛每一人一事必
經倫堂會議而後定
是非褒貶憑於輿論

非余小子之所敢擅
閱是書者或鑒余苦
心而寬其遺漏之失
則幸矣否則謂與其

不備不如無修與其
閒存不若盡棄則余
之咎又將奚辭


肯

皇清雍正六年戊申九

月之吉知江南揚州

府泰州事褚世暄謹

序



重刊泰州志序

今郡邑有志蓋卽周官小史之遺也所載沿革形勝封域官師賦役選舉學校兵戎皆關於國政民生之大豈可任其闕畧俾輜軒之使罔所徵信哉然紀載之任嚴核爲難倘泛濫猥雜或棄取不當雖連弓累帙反不如無矣海陵爲江左大州其地襟江負海魚鹽之利甲於天下實東南沃壤奧區也代遠者弗論自宋以來名宦則有范文正真儒則有胡安定卽二公以例其餘已足以炫耀奕襪雒視他邦矣州舊有志乃

明末重修歲久刻板朽蠹字跡磨滅不可辨識
余承乏茲土見而病之妄擬卽爲刊定顧以簿
書鞅掌又慙才筆弁鄙聞見淺狹未敢輕議增
修然而每遇憲節臨莅吏倉皇呈送故紙幾同
秦碑無字魯是文獻名邦而可蕪陋若此哉爰
諏訪舊家假得向時印本與將重付剞劂而魯
魚亥豕之訛亦正不少偶乘吏散餘閒篝燈校
勘於前人所纂不敢加損一字庶存本來面目
勿致貽譏妄作至於

興朝定鼎以後高教兼施涵濡浹洽聲名文物什倍
從前固宜大書特書以紀化成之盛而余小子
自揣俗學豈堪遽肩重任將來自有鴻才卓識
如班馬其人者出司筆削昭垂無極余不敏謹
歛手俟之矣康熙己亥長至知泰州事萊蕪魏
錫祚謹序

舊序

余素性迂踈不諧時好惟掃軌杜門可無大過願如斯矣春初携諸子海陵應科試晤忠孕大叅劉公索讀其修海陵新誌甫展卷一讀一擊節贈公讀新誌一章穆如清風謂予長於詩乎詩生於情也咏歌之不足又爲序揄揚之序曰誌之作也非夫抱經世問學濟世宏才而輔以公世深心疇能拈筆伸紙措半語乎哉海陵方百八十里幅員甲於揚郡其陟谷變遷風土媿慝人物盛衰不得執今議古亦不得泥古妨今所貴詳探博討集成完業耳大叅公漁畋苞房

誌體備矣彼辭艷而事弗覈事覈矣而語弗馴語馴
矣而非燕許大手筆不須子羽運斤乎大叅覃思竭
慮徵材咨訪洗滌蕪穢璀璨維新凡舊所不當書而
書者則削曰無等於稗官之雜也所宜書而未書者
則增曰無祇爲遺珠之匱也微以顯之幽以闡之德
怨罪知總無所避有味乎列傳哉數事而稱不外溢
美一字他或寓言焉或正言焉文辭瑰麗而其凡例
凜乎霜鉞有餘畏矣及再讀輯陳太僕水田諸篇編
次竈糧攷想見大叅桑梓之誼更爲篤摯蓋海陵與
敝邑接壤敝邑四面受水宛如釜形一遇水災敝邑

寡君代小民呼籲直達宸聽海陵三面受水獨蘆公
一人已溺何也誌云海陵南傍漕河僅衣帶三十里
本境豪胥據三十里掩百五十里莫以告而耳食者
亦惟知泰州三十里甌窶不知百五十里盡汚邪耶
宜大叅公同室纓冠鰓楮穎間矣民竈分徵地方
急務夫何確有成案弁髦視之大叅切責乎舞文而
余重惜乎昏志誠不以富亦祇以異胡不聞歟奉文
免徵金錢纖微秒忽皆聖明浩蕩洪恩大叅特爲標
揭以昭臣子對揚休命尤嚴加旁註奉文免徵遵行
在卷該房永不許朦朧派徵噫此大叅公婉辭也得

無有徵者乎故鄭重申飭以杜後來乎誌有前後二種捆撫數易寒暑脫稿再費抽研合之爲一皆大叅獨力是惟其直筆足以使才高才足以副學秩秩乎彬彬乎治法具在籍記云乎哉嗟乎誌近於史史尊乎信如其可信則必可傳茲誌也豈惟在秦以俟他郡國有餘裁也以俟一代有餘采也大叅公千秋之業其在斯乎其在斯乎昔崇禎癸酉清和月朔三日進士第通議大夫兵部左侍郎前太僕寺卿奉直督理京邊馬政大理寺右少卿太常寺少卿吏刑部科都給事中侍經筵昭陽魏應嘉書

秦州新志嶺東周侯實肇厥始草創畧具不果竣役司馬大夫忠孚劉公屬奉使還周旋子舍諸生以公留心桑梓匪一朝夕胸藏石畫雅抱史才願得衷而裁焉用底厥績庶幾一郡完書永垂不朽公乃殫心綜覈提要挈綱糾訛訂舛曲鬯旁通以眎周侯所修饒可徵信寧厘靡筆之削之而已不佞時以攝篆吳陵忻覩成事諸生徐子文炳等爰用序請不佞否否偶承人乏來守筦籥惟是出納啓閉是謹簿書簡稽是程安所竊史乘而表章之况郭公有序周侯有序劉公抑自有序不啻詳且美矣不佞何能爲役諸生

固請周侯之序在守言守郭公監司所謂有事茲土者也惡在執事攝篆容默默爲不佞曰諾史以傳信載信而行志乘昉古外史奈何無信秦志殘缺幾可百年甲辰曾一補葺而多不允韋侯頗有修訂之想而力不終則其信難言之矣海內郡邑爲志乘者不少徒以紀幅幘辨土產載齊諧矜富勝組績織藻備都人士耳目外之觀耳民生利病國計盈虛未克條摺按如指掌廢仁人志士幽隱弗揚滅廉吏貞臣行業不錄則生於斯守於斯者與有責焉矣廼觀周侯之所草創劉公之所衷裁所爲志職方志建置志賦

役志官師志選舉志人物志方外志藝文大畧纂志所同卽周侯爲仍舊貫而其中未詳且核者不無待於重修間讀劉公重修凡例而見一種深心無涯德意盡於編摩纂輯外水鄉沉沒可憫也則列陳太僕之繪圖願拯陷溺允糧之偏累可商也則列四州縣之額數願普均平竈糧之代征包賠可釐而革也則披故牘採近聞列爲控籲之科條願急請命他如故撫臺之戢闡傳道尊之秉憲劉州守之愛民不可忘也則爲之立傳以永思林文選之清貞凌中丞之忠謹備僉憲之著述陳罔貳之剛方不可佚也則爲之

標舉以垂範諸凡此類未可悉數總之網羅故實揚
推名賢培邦本蘇民困闡士節輓頽風舊所不當書
而書者則削之不任怨舊所宜書而不書者則增之
不任德蕪穢盡芟璀璨熠煜公道不磨直筆爲憲成
言乎信史與哉而周侯一番草創得公之修訂於是
爲完書後之守茲土者一展卷而三復爲尋利病之
根原洞登耗之情狀究遷革之事宜圖補抹之實益
則公所爲留意桑梓而續周侯之緒俾其無遺憾者
功等而倍之矣不佞沉埋案牘雅愧不文第忝代庖
幸際成事未敢固辭稍爲糠粃之導以謝諸生以昭

信史若其彪炳光華用爲志重則有諸君子之序在
天啓甲子九月望日署泰州府清軍同知東
粵惠來翁延壽題

昔周官小史志邦國外史志四方而又有土訓誦訓
之屬郡乘邑志所從來矣弇州氏亦云一代缺而一
代之跡泯如也一郡邑缺而郡邑之跡泯如也海陵
古志斷簡僅存嗣是則有甲辰癸亥二志前志操觚
者頗簡陋從事第失之固耳後志或謂其錯襍不馴
出入失當且如楚人之談殺澠越人之譚却笄百不
得一焉是奚足傳信乎哉竊謂郡縣有乘倣國之有

史史經館閣宏裁備一朝大政志則文獻之枯苑閭
閭之瘠阜錢穀之登歉河渠之遷革累禩之民風土
俗自爲一古今設猥以吮毫伸紙汗青副墨之業而
委之孤雲逸客野鶴山癯雅非身履目擊之人復恣
乞米受金之態聽其自抒胸臆任情顛倒傳信之謂
何史之大綱先在不虛媿泰爲王心齋先生倡明理
學之鄉後來邨中學究方伎襍流動相慕倣聚講升
堂吠影吠聲遂一概目爲理學如舊志所載崔殷梅
月數輩不知其爲何許人皆肯叔敖之衣冠或竊孔
杯之俎豆猶憶鄉前輩劉念陽先生造余謂過情失

實無甚于此此斷當折以大義亟爲駁正者余避之
又如循良傳所漏遺者傅後川兵憲之經濟傳在名
臣劉彬菴州守之仁廉得于覩記今特表而出之借
光簡編以補闕畧亦一快事也藝文志寥寥數篇幾
如嚼蠟至如李本寧太史修學記雄長詞壇林子仁
先生誌銘屬唐荆川鉅筆吉祥殿碑記爲宋學士陸
游名篇華公湘正曆元一疏遂爲後世言曆之祖此
等龍象人物蝌蚪蕪文應不易落于人間今搜得與
之流通又一快事也甚如吾秦土瘠而民貧去州治
數百武而北率沮洳大壑其邨落蕭條其手足胼胝

其面目黧黑經年水火畊耨強半委之陽侯不則流
金百里原田滄海轉盼已非惡在如枚叔所云東山
之府海陵之倉先是陳僕少有敬止集著爲圖說談
利病如剝膚此而不載其何以使官茲土者留意於
河渠恫然思維遷革之故乎又如民間爲竈里包賠
錢糧最一秕政昔之賢明監司仁廉州守汲汲以民
竈分徵請命當路僅能得之而後之不肖有司輒居
竈糧數千之羨金爲奇貨猾胥利于包賠用此爲餌
仍請合徵而良法遂罷今志攷具在不可不三復于
斯也泰雖不腆澤國是昔韓范二公相繼過化茲土
各有惠政高山景行豈繫異人後來者當不竊竊然
望二公溟滓拜其北面矣如臯爲屬邑仍分系各類
之後寧核毋濫焉爾他如綸音壽序與帳飲祖道之
篇宅志或有存者然於郡乘猶馬牛其風悉置不錄
借曰史在不虛媿不隱惡夫虛媿所不敢出也乃居
邦有不非之義吾寧存厚道云皆崇禎癸酉仲春哉
生明郡外史劉萬春謹書

坊表

橋渡

賦役志

戶口

課程

力役

馬政

鹽筴

河渠

官師志

職名

撫鎮

海道

牧政

師表

選舉志

辟薦

進士

舉人

貢生

封蔭

例監

武胄

人物志

理學

名賢

武勳

隱行

孝子

高行

尚義

貞節

期壽

著述

僑寓

以上各款宮志新增名

目稍殊其義則一

方外志

寺觀

仙釋

塚墓

藝文志

疏揭

申呈

序記

文

碑

賦

詩

詞

墓誌

藝文

雜著

尚書

禮記

春秋

孝經

易學

論語

入國志

泰州志目錄畢

修志備考書目

七政經緯躔度時憲曆

揚州府志

泰州舊志 嘉靖元年全英修

泰州增志 萬曆丙辰年修

泰州新志 天啟癸亥年劉萬春修

泰州重修新志 崇正癸酉年劉萬春修

泰州新志 康熙癸丑年宮偉鏐修

泰州十鹽場志

本朝歷科會試錄

泰州志

書目

本歷科南北闈鄉試錄

本學造報歷年優行冊

本朝舊賦役全書

新賦役全書

本朝舊憲綱冊

新憲綱冊

州署前各碑記

學宮各碑記

本州發查六房新舊冊卷

本州牒送儒學查覆文移

本州三巡司申文

本州十場司申文

本州陰陽學申文

本州僧正司申文

本州道正司申文

二十一坊鄉保結狀

前明通紀

儲文懿公集

林東城公集

沈司馬公集

凌海樓公集

庭問州世說

春雨草堂集

各姓家乘

輿圖備攷

各省名宦錄

本州志

本州志

本州志

修志備攷書目

全

泰州志

凡例

一率土臣民共遵道路我

朝重熙累洽厚澤深仁廣大難名巍煥共仰一州之

志豈能縷詳但

天語宸章尤加意於親民之吏凡農桑衣食士習民

風

誥諭諄嚴官吏士民州里鄉黨均宜周知熟誦敬紀

篇首以輝萬年

本志舊志止於明季

本朝百餘年未經全修遺獻凋零舊章散軼官茲土者稽訪維艱遷延日久茲特就已存可稽者載入至其闕畧處仍俟採訪更續大約存其足據闕其難憑傳信將來不敢輕載

舊志水旱例居卷末祠祭列居方外查志書舊例志水旱在志疆域後蓋人民之衆係於農時豐歉所關因乎風雨風雨時則百穀順成四民樂業矣故與疆域相附至境內山川壇壝之神實司一方民命享祀豐潔則人神感孚而四境乂安與仙釋不同茲特將祠祭

改載學校之後

一忠孝節義前賢事蹟日久就湮或子孫式微或遷徙他往殘碑斷碣莫可追尋募草荒烟無從稽訪尤堪憫者孤孀無告苦節沒世生存莫爲彰著歷久孰爲表揚修志之時加意採訪但海陵百年無修志之事多疑築舍難成示諭重叠凡八閱月而至者寥寥今但就已至者載入餘俟後補

一鄉會題名各有科分而仕宦通顯不必盡出一途內或郎署外或守牧勲猷政蹟彪炳一

時理宜備載昭示來許但無成籍可稽未免闕畧之憾仍俟續修增入非涉遺忘

一鹽政各官載鹽法志十場志詳矣茲但撮其大槩以泰州爲產鹽之地而鹽政之綱引課程則不屬於州也故不復縷悉

一秩官志自州牧而下職無崇卑姓氏鄉貫蒞政久暫皆當詳載惜有歲遠無稽者咨詢吏胥亦皆茫然茲祇就士民共知者載之非有去取也

一州志續修於劉大叅萬春至康熙癸丑年郡

人宮檢討偉鏐纂人物志四卷條分縷析頗費苦心今於舊志下註明以上劉志劉志之後依宮志載入註明以上宮志其新增者附於宮志之後註明以上新增總之采訪則寧寬毋嚴秉筆則寧慎毋濫云

一登史書爲天下之士載省乘爲一國之士紀州縣志則一鄉之士也進而通省而天下益大矣賢與才技高於鄉則州邑紀之未可以國與天下之士相衡若必以高天下足千古者爲準吹毛索瘢以求其全則聖賢無節取

刻
之人而晚蓋者終絕於君子之路矣似鄰於

一瑕瑜不相掩小善不容畧割肝割股非聖賢
守身之孝亦至情所迫難計萬全感神明格
幽隱矣不可以紀乎鄉黨好行其德修圯平
險拯難施樁亦足以風或未技微長負異於
眾均不忍棄也

一節婦合例即當詳請
題旌其窮鄉苦節年例或未盡符而情堪憫惻者則
志以紀之若必事事合例即當人人

題旌非旌表建坊者皆不得入志其途甚隘頗非風
厲之意故是編於節烈一條不敢濫亦不敢
苛至蓋棺論定乃言臣節士行末路尤難若
節婦至七旬內外其論亦可定矣

一舊志每一條有外史氏論一段今各條皆有
新增慮其隔越爰移於本條之後其不增損
一字者以歷年已久無庸更易也

皇清雍正六年七月穀旦 上谷褚世暄識

泰州志凡例

全

一、本志以地理為綱，分門類列，其體裁亦仿史志之例，其不詳者，則補之。

一、本志以地理為綱，分門類列，其體裁亦仿史志之例，其不詳者，則補之。

一、本志以地理為綱，分門類列，其體裁亦仿史志之例，其不詳者，則補之。

一、本志以地理為綱，分門類列，其體裁亦仿史志之例，其不詳者，則補之。

一、本志以地理為綱，分門類列，其體裁亦仿史志之例，其不詳者，則補之。

一、本志以地理為綱，分門類列，其體裁亦仿史志之例，其不詳者，則補之。

一、本志以地理為綱，分門類列，其體裁亦仿史志之例，其不詳者，則補之。

一、本志以地理為綱，分門類列，其體裁亦仿史志之例，其不詳者，則補之。

一、本志以地理為綱，分門類列，其體裁亦仿史志之例，其不詳者，則補之。

一、本志以地理為綱，分門類列，其體裁亦仿史志之例，其不詳者，則補之。

重輯泰州志秩官姓氏

監輯

泰州知州褚世暄筆峯

上谷

分輯

同知陳九昌建章

襄平

州判魏徐寬滋厚

鹿洞

吏目蔣廷相元均

山陰

閱定

學正徐大中南村

雲間

訓導曹濬方山

金庭

秦州志 卷之五 山川



秦州志 卷之五 山川

秦州志 卷之五 山川

秦州志 卷之五 山川

秦州志 卷之五 山川

秦州志 卷之五 山川

秦州志 卷之五 山川


秦州志 卷之五 山川

秦州志圖



一輿圖

一四境圖


一城池圖



四境圖




城池圖




城濠

城濠



城濠



圖說

一圖者何圖淮南潛隄以內被水之壤地也壤地環五州縣千里廣矣繪之一葉曲折難詳也直其方位展閱未晰也故今以南北橫之象南有江而北有淮也東西直之象東有海而西有湖也地理自然之勢固如此矣且牽連接續庶足考其顛末云爾圖凡七首具如左

縣興泰

里八十界田縣興泰至南

田

吉田

州瓜

州

州

州

州

州

州

州

州

州

揚州府

南

縣真儀

前江縣吉田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

田

街

橋

橋

橋

橋

橋

橋

城州泰

額秋糧三十九百石零

下河沉水田

額秋糧萬二千三百石零

地旱

地旱

地旱

東至如臯縣田界

楊子灣

縣士

從此東至蔡州

縣

都高田

斗門界計九十五里

金家

俱江都田

江都水田

界二十五里

每遇水發時
此處俱滄入

旱田至此低
下計去運河
口止三里許

從北以連興化縣抵東鎮安後俱水



新城大河水



旱田至此低



下計去運河
口止三里許

每遇水發時
此處俱滄入


百二十七里











此圖陳太僕公念州羅水害上河高田無幾下河
沉水十之九也而冠蓋下臨州治則又道經上河
不及覩下河之昏墊以故州與高寶興鹽其災不
得與四州縣同其蠲恤爲桑梓痛于是著爲成書
刻于家曰敬止集前列以圖後著爲論經緯曲折
極其詳明信佩服公之一體州人且深自悔罪于
已溺敢不寶重是書今志成已採其論猶不忍遺
其圖也增入四境圖後庶入國問俗者披圖而知
泰爲水鄉云

天啓四年修志姓氏

署州事本府清軍同知惠來翁延壽較梓

同 知隨州蕭鸞翔

判 官山陰沈瑞龍

吏 目歸安呂大德

署學正事華容張希哲

訓 導華亭葉萬全

靖州梁以梓

吳縣傅汝循同較

郡 大劉萬春纂修

郡

人王騶同修

州

吳庠徐文炳同修

儲煥

縣

張廷家同輯

署學正事

張廷家

吏

張廷家

城

官山劉武同修

同

張廷家

署學正事

張廷家

姓氏畢 詳前志按及

崇禎五年修志姓氏

泰州知

州博野李自滋纂梓

同

知關中江孔修

判

官會稽魯桓

署學正事廣平尹善繼

訓

導吳縣顧文璪

富順宋應斗同較

郡

人劉萬春纂修

郡

人王相說

王騶同修

列

庠儲 煥同

人張廷霖

人王萬化同輯

富則家勳十同

纂吳淵文

署學正事

宮會

中

本

姓氏畢

泰州志卷之一

職方志

沿革形勝

星野風俗

疆域物產

水旱

哈佛大學漢和圖書館珍藏印

泰為揚隸夙號天府瀕海控淮其濱丘鹵生齒
綦庶孰司填撫富之教之敬哉有土志職方

沿革

禹貢淮海惟揚州言北據淮東距海為揚州之域

周武王封泰伯後於吳其地屬吳通考引左傳吳城邗溝通江淮可證

元王四年越滅吳而不能正江淮之地遂屬楚蘇

秦謂楚威王曰東有海陽海陽之名始此

秦始皇二十六年滅楚分天下為三十六郡屬九江

漢高帝封從兄劉賈為荆王王淮東屬荆國賈無十

二年立兄子濞為吳王都廣陵更屬吳濞置太倉

於此枚乘謂海陵之倉是也海陵之名如此武帝元狩六

年初置臨淮郡按漢書地里志領縣二十九海陵

居其一元封五年置十二州刺史臨淮隸徐州王

莽更海陵曰亭間

後漢光武建武六年海陵省入東陽屬廣陵郡仍隸

徐州舊志云建武中省縣四安帝之世前所省縣

漸復分置獻帝建安十八年曹操恐濱江郡縣為

孫權所略盡令遷徙民轉相為海陵戶口皆東渡

遂虛海陵之名僅見於魏張遼傳魏文帝黃初六年征吳使張遼

乘舟與弟至海陵

吳孫亮以呂岱為大司馬岱亦海陵人遂復置海陵

紀年莫詳陳琦謂當在建興二年使馬翊城廣陵時

晉一宇內徐州所部廣陵郡之屬縣有海陽即海陵安

帝義熙七年分廣陵界置海陵郡隸徐州晉志不載統縣

宋齊梁陳因之隸南兖州通考云宋文帝置南兖州理廣陵

隋文帝開皇初郡廢為縣屬江都煬帝時改廣陵為

江都

唐高祖武德三年更海陵縣為吳陵縣吳陵之名始此以縣

置吳州七年州廢縣復故名屬邗州唐初為充是年改充為邗

九年邗更為揚州隸淮南道唐制道統州州統郡郡統縣中宗

景龍二年析置海安縣立宗開元十年省有鹽復

入海陵天寶元年更郡名以江都為廣陵郡

偽吳楊行密即縣置制置院又析地置興化縣屬揚

州

南唐李昇昇元元年陞東都海陵縣為泰州五代史昇以金

陵為西都廣割鹽城故屬楚州興化故海陵地吳屬揚州置泰興

故海陵如臯故海陵縣屬焉以海陵東境為靜海

都鎮置制置院

周世宗顯德四年入於五年三月壬午朔世宗臨

幸陞團練州賜鼓角門戟是年以靜海都鎮為靜海軍

尋為通州以故屬海陵東州鎮為海門縣屬通州

宋太祖乾德五年改為軍事開寶九年以鹽城屬楚

州熙寧五年分淮南為兩路泰州隸淮南東路元

豐元年列上州徽宗宣和四年割泰興縣屬揚州

高宗建炎二年割興化縣屬承州今高郵四年以泰

興縣還屬泰州紹興三年屬揚州五年以興化縣

為昭陽鎮附海陵十年又以泰興縣屬泰州十四

年屬揚州十九年改昭陽鎮為興化縣乾道二年

屬高郵軍自是所統惟海陵如臯二縣

元因之以揚州為揚州路順帝至正十二年州民張士誠攻城僭據二十五年十月始克復歸附

明朝仍為泰州隸揚州革海陵縣統如臯縣

朝因明制仍隸揚州府雍正二年如臯縣改屬通州外史氏曰泰州立名自南唐昇元始先是州之為縣泰之為海陽海陵吳陵也右已臚列茲不贅論乃至昭代仍第泰州者何居說者以有屯田煮海之利而名隘矣天地交明良合幽之公堂魯之燕喜宣力四方以盡裁成輔相之宜生生養養靡不安阜皆泰之義也書云道有升降政山俗革故唐虞因道三代而

不因法無改者凡有民社當思繹唐虞三代之道法安在舉而行之庶不虛泰之為泰哉若區區沿革之迹等之筌蹄矣

星野

黃帝分野次星自斗十二度至婺女七度日星紀之次於辰為丑

保章註曰星紀吳越也又曰斗牛女揚州

爾雅以斗牽牛為吳分

漢班固三統曆謂斗江淮牽牛婺女揚州後漢書星紀起斗十一度終女七度為吳越分

蔡邕月令章斗六度至須女二度為星紀

魏太史令陳卓定郡國所入宿度廣陵入牛八度

晉天文志揚州入牛一度

隋志南斗十二度至須女七度吳越分

唐志南斗在雲漢下流當淮海間為吳分

元志星紀為揚州分

明朝清類分野書自斗三度至牛一度屬揚州分

上元太微垣上台第二星主荆揚

中元紫薇垣北極權星主揚

下元天市垣東南第六星曰吳越

歷代分野之書皆云星紀之次吳越揚州於辰在

丑所謂星紀之次者或云自斗十一度至女七度

或云自斗三度至女一度究無成格又攷揚州古

疆甚廣包吳越甌閩跨嶺表負海壘統郡數十廣

陵特其中之一郡耳斗牛女分舍三十度廣陵當

牛八度此古天官家言廣陵分野之大畧也數千

百年轉相傳授未有能易之者但乾象健行時刻

移動積秒成分積分成度歷周漢唐宋元明以來

曆法隨時遞更而我

朝時憲曆日欽遵

御製曆象考成周密精詳超軼前古歷來訛誤撥雲覩
青談分野者當奉

今日七政經緯躔度之曆以準之而一切古志皆屬
陳言蓋今之郡國卽古之郡國而今之分野非古
之分野也謹按

曆日雍正五年十一月初十日壬戌冬至未正一刻
後日躔星紀之次十一日躔箕二度至十六日躔
箕八度十七日躔斗初度至十二月初十日躔斗
二十二度是日交大寒夜子初一刻三分後日過
元枵之次十一日躔斗二十三度十二日躔牛初

度至十八日躔牛六度十九日躔女初度由此推
之則是今之星紀起箕二度終斗二十二度而牛
女二宿全不在星紀之次也尚得云牛女爲吳越
分星而廣陵入牛宿八度乎且牛宿入元枵之次
自初度至六度亦無第八度而分野又當屬齊彼
齊分青州之郡邑自有與牛宿相當者安得執舊
說而牽吳越之郡以就青齊之星乎况如古曆實
沉之次觜半度參十一度今釐爲參初度觜十一
度而觜之九度已入鶉首彼秦晉之郡國當參觜
之下犬牙相入各有分疆亦將執舊志而不辨參

齊之互易申未之過宮乎大約星象隨天而移郡國以地爲紀據古曆所分牛宿之盡度當在丑宮之二十八度以今之星紀三十度推之則本舍之二十八度乃是斗之二十度也廣陵之分野依此可準而秦爲廣陵之屬邑直東北一百二十里考北極出入地之緯度人南北行二百五十里方差一度是秦之分野當亦與斗之二十度相爲比附也若夫舊志所云廣陵分得牛宿當雲漢下流故稱澤國尤爲傳會夫雲漢之在天亦積氣成象與衆星爲經絡耳晝夜之間旋轉昭回本無上下以

牛女爲下流是以參井爲上流也矧今星紀之次實分箕斗天糠天杵農家丈人有登穀簸揚之象則又將以盈寧屢豐爲之說乎予未暗測筭但就七政經緯之編以論秦之分野未知當否

外史氏曰天列一辰地分一野自黃帝有占以來至甘石二家詳之矣按周禮保章氏以星土辨九州之域列國封疆皆有分星以候機祥似推驗無少僭忒者試考楊之星爲斗占曰斗吳也秦相距僅百里分次正同若以度數忝勺別之不乃隣於鑿與傳曰天道遠人道邇儒者惟德是務修盡人以聽天可耳徒

仰觀俯察云乎哉

疆域

州在揚州府城東一百二十里東抵通州西界江都
 南暨泰興北距興化廣二百三十五里袤一百一
 十一里編戶一百八十九里
 東至拼茶場二百一十里到海二百四十里
 西至江都縣斗門三十里到江都一百二十里
 南至泰興縣廟灣三十里到泰興九十里
 北至興化縣凌亭八十里到興化一百二十里
 東南到通州二百九十五里

東北到海一百九十五里

西南到江都縣高韓莊三十里

西北到高郵州一百五十里

西南到江寧府四百里

北到順天府水路三千二百里陸路二千三百里

外史氏曰先王體國經野測以土圭制以土均而疆
 域畫焉辨職方也泰介廣陵崇川之間其土爽塏水
 道蜿蜒田疇廣衍居者櫛列棊置儻所稱沃壤非耶
 蒞茲境者誠念有分土無分民拊循保聚不以封疆
 之界則幅員鞏於苞桑矣

秦州之境東際於海南不至江江之潮汐越秦
 興至滕壩而止海之潮汐賴有范公堤以捍之
 不然則汎濫於內地而民田皆斥鹵矣西北兩
 面汪洋無際皆河淮也曩時漕隄潰決極目雲
 濤近日
 聖算周詳河工堅固下河之地昔日汙萊今成沃壤
 每夏初秧開五葉蠶起三眠採桑者如雲栽稻
 者錯繡及夫秋冬萬村登穀畝棲隴被而機聲
 呶軋比戶相聞四境中飽煖之休皆治河底績
 之所詒也謂之樂土誰曰不宜

水旱祥異

宋

文帝元嘉十九年五月獲白鳥

孝武帝大明二年三月見雙白雉

唐

文宗太和四年十一月火

宣宗大中六年夏饑民於官河中漉得米號聖米

杜棕傳棕鎮淮南時方旱道路流亡籍籍民至漉

得渠遺米自給呼為聖米

僖宗乾符六年二月州屬四縣生聖米大如芡實

宋

太祖乾德二年七月潮溢壞廬舍數百區牛畜多死

三年六月潮溢損田禾

太宗太平興國四年雨水害稼

天禧元年春蝗夏六月大風吹蝗入江海或抱草木

死

仁宗天聖五年三月地震

皇祐三年十二月獲白兔淫雨為災

徽宗政和五年六月獲白兔水沒民人一千餘口

六年水

時江淮等處軍州被水民戶流移泰州一千餘高
郵二千餘聚於揚州通判蒙安存恤得宜下詔褒
美

孝宗乾道元年正月火燔民舍幾盡

淳熙三年七月蝗

四年八月黑鼠盡食田禾歲饑

六年大饑人食草木

光宗紹熙二年七月蝗

元

世祖治元十八年四月饑

成宗大德二年七月暴風溢江水高四五丈連崇明
通真州沿江漂沒廬舍被災者三萬七千八百餘
戶發米八萬七千石賑之

九年蝗

順帝至正元年崇明通泰等州海潮湧溢溺死一千
六百餘人

十七年州民劉子彬親墓木生連理

明

太祖洪武二十二年七月海潮溢壞捍海堰漂溺呂
四等場鹽丁三萬餘口

英宗正統十四年泰州等處水災免田租八萬九千
九百餘石

憲宗成化三年七月海溢壞堰六十九處漂溺鹽丁
二百四十七人命巡撫林聰賑之

六年秋至七年春大旱河竭七月大雨海潮漲壞各
場鹽倉及軍民垣屋

二十年秋至二十一年冬大旱河竭斗粟可易男女
孝宗弘治十六年旱疫命南京吏部左侍郎王華賑
之

武宗正德三年旱饑

七年七月夜大風海溢沒塲竈廬舍大半人死千計

十二年大水

十三年大水賑

世祖嘉靖元年七月大風海溢民廬漂沒

二年秋水決河隄田廬漂沒大饑疫命南京兵部右

侍郎席書賑之免嘉靖三年租大雨

三年春大饑

十四年六月蝗賑

十五年春夏旱秋潦沒田禾免稅

十八年海溢

二十年旱蠲賑

二十四年旱無禾賑

二十五年旱無禾賑

二十八年夏大水

三十一年水賑

三十二年大旱倭變賑

三十三年大旱城濠竭倭入東臺河梁拼茶等塲越

海安鎮

三十四年旱忽大雨一日夜兩壩俱決禾盡沒賑

三十五年大水廬舍漂沒

三十七年水

三十八年五月倭至民逃踐麥殆盡

穆宗隆慶元年大稔有斗米三錢之謠

二年大稔震星見民譌選宮女未笄者一時婚嫁殆

盡

三年大水海溢潮高二丈餘舟行城市溺死人民無

算水患較前最烈

四年旱蝻賑

五年六年水饑

神宗萬曆元年大稔

二年河決水患同隆慶三年賑

三年大風壞木傷禾

四年多雨穀貴

五年多雨彗見

六年大水冬雷

七年潦民饑八月洪水至

九年潦

十一年閏二月雨雹如卵殺飛鳥夏旱多蝗鶩鴿食

之

十三年大水海溢

十四年五月颶風霑雨廿旬不止城頽四百八十餘丈廬舍盡壞民浮木以棲

十五年烈風暴雨沒禾稼

十六年春夏疫

十七年旱蝗八月大水至

十九年水

二十一年大水

二十三年水

二十四年水

二十五年雨粟雨毛

二十六年水
二十九年水
三十年水

三十一年稔夏秋大疫

三十五年夏旱

三十六年水

三十九年水

四十年水

四十一年大稔

四十二年雨雹傷稼

四十五年旱蝗

四十六年稔

四十七年大旱改折

四十八年水改折

熹宗天啟元年民訛選妃婚嫁無遺

二年大稔

三年十一月地震

四年稔

五年七月城隍廟大殿災

六年七月大風拔木秋蝗旱冬雨水冰

七年水傷稼

愍帝崇禎元年稔

四年夏旱秋大水决湖隄民饑冬道殣相望

五年春多盜夏旱六月望日大風拔木八月淮再决

漂木稼

六年水六月二十五日風雨江溢人民溺死無算

七年閏八月廿五夜大風雨拔木漂禾稼

八年正月流寇掠鄰邑七月蝗

九年夏霽雨傷禾冬無雪

十年大稔冬日入赤光亘天

十一年旱蝗無禾冬日入赤光亘天

十二年旱蝗冬無雪赤光亘天

十三年四月至七月不雨河竭無禾人相食

十四年五月六月七月不雨河竭無禾蝗疫

十五年五月雨雹破屋廬殺牛畜

十六年稔

皇清

世祖 順治元年稔

二年麥秀兩岐

三年大稔

四年水

七年旱

十七年稔

聖祖 康熙元年大稔

九年大水

蠲免全糧發帑賑濟復准報涸三年之後方行開

徵

十年旱

十二年水 田畝丁糧分作上鄉成熟下鄉被災二項

十四年水

十五年水

十六年水

十八年蝗旱

十九年水

二十一年水涸

二十四年水

以上各年水旱下鄉錢糧俱奉 恩免

三十二年水

蠲免地丁銀七千八百七十六兩零鳳米一千三百十四石零

三十五年大水丁糧全免

三十六年水

併新水積水版荒三案共蠲免地丁銀三萬八千八百兩零漕米三萬二千五百石零鳳米七千五百石零月糧米五百三十九石零月糧麥五百八十八石零

三十七年水

蠲免同三十六年

三十九年大水丁糧全免

四十四年水

蠲免地丁銀八千六百兩零鳳米二千二百石零

四十六年旱水丁蠲全銀
蠲免地丁銀八千五百八十兩零鳳米二千二百
四十八石零

五十二年旱

蠲免地丁銀四千五百八十兩零鳳米一千一百
九十九石零

五十四年水木蠲全銀
蠲免地丁銀一千二百七十二兩零鳳米三百七

十二石零

五十五年旱

蠲免地丁銀二千四百七十兩零

五十八年水

蠲免地丁銀七千五百九十兩零鳳米一千九百

七十五石零

五十九年水

是年王生晉原家產紫芝一本
蠲免地丁銀八百二十九兩零鳳米二百四十三

石零

皇上雍正元年大稔

二年海水泛漲滄沒官民田地八百餘頃

蠲免地丁銀八百三十九兩零鳳米二百八石零
時據糧戶朱華等呈請 撫憲自此散里革除排

年碑立州署二門
文載藝文志

三年半熟

四年稔

五年稔

六年大稔

舊志以水旱附於全卷之末細閱各州郡志俱
以水旱載於前幅而茲本獨後之或以其有災
祥字而後之耳遇災而惠澤旁敷無災非祥况

八政之用一曰食古帝王敬授人時作訛成易

民生係焉然旱潦固因乎天而亦因乎地海陵

窪下多潦莫可如何自河渠既濬水有所歸淤

塞之地漸就墾闢我

皇上重本貴農建先農壇設耜田使有司躬耕以

率之自此而大有頒書矣

形勝附古蹟

秦山在西門內宋紹興十年開東西市河壘土而成
高五丈周百二十餘丈以州名各登山四望距

城百里舉在目前而京口諸峰隱約可見寶慶二

年守陳垓浚山下湖礫為往來泊舟之次墾崖為
亭曰秦循崖而上曰天閣曰陽谷架樓其上曰起
雲山左建堂一楹以安定胡先生曾讀書魯泰山

而安定本郡人故用崇祀扁曰安定書院明朝正統九年同知王思旻建泰山祠於起雲故址正德間千戶王華建玉女祠於山之陽嘉靖初御史雷應龍毀銅像撤其廟祀更置書院並祀范文正胡安定二公傍建經義治事二堂後御史楊瞻詢安定公遺跡首為立石檄守朱簪奉文正公祀名宦祠乃專祀安定扁曰安定書院祠曰安定胡先生祠亭曰觀海四方學者日至後祠圯里人又崇祀碧霞元君隆慶元年督學耿定向至撤元君像扁仍以專祠為講堂東祀安定西祀王心齋三年御史王友賢復專祀安定扁曰仰止堂萬曆四年兵備程學博另祠祀心齋而安定專祀如故十年兵備舒大猷於山巔建岳武穆廟扁曰並嶽奇觀蓋以岳公故嘗知泰州事乃特祀云萬曆三十三年兵備張鳴鸚構亭一楹亭前鑿池其亭兩銀杏樹夾之大可三圍復以安定讀書舊址為立石焉

天目山 州治東四十五里高二丈三尺周二百三十步王仙翁諸仙嘗隱是山有二井仙翁臨昇舉藏靈寶五符杖履木鞋隱形帽于左井封鏽甚密元豐二年發運使蔣之奇致禮請禱開右

井得鹿角至數十丈又獲金龍七玉璧三十六有仙翁手植披頭皂角合抱匠者睨視則山怒木嘯按九域志載仙翁山有王道入尸解於此華陽陶隱居云地鉢福地在臨淮東今天目山即其地又真誥有五陵羅浮山州治西北五里高一丈周海陵其一也羅浮山州治東北六十里高二丈洪水所沒遙望如茅山州治東北六十里高一丈傳嘗生香茅長二丈五尺故名按阮勝之記云茅山俗名避災地舊有道觀宋為景德禪寺後香茅不產呂城山州治東三十里高一丈周三百八十八步形如城相傳有呂姓者居之故名鳳山州治東一百二十里高三丈周百步山前谿路山麓為安定祠中有海道白川劉公遺像祠劉公親冒矢石肅清鯨海他祠像俱不存惟茲山儼然如在最上則中洲山州治東北一百二十里西溪泰山行宮也齊山州治東北西溪鎮之東范文正公監本鎮之齊山州治東北西溪鎮之西駱駝嶺壘土為之齊山州治東北西溪鎮之西

西南平地龍從隆起如駱香岳州治東南舊運司

駱形今置千戶所於上州治北三里許塔頂與南門

卿疊石為花園頭塔外高橋準郡號鳳城南橋北

塔首尾寔相應焉萬曆十廣福寺塔西溪南山寺

年下建觀音閣益稱壯麗州守黃性開鳳池於樞星

塔寺東側有古塔磚上勒周公塔三字疑宋周孟

門外塔影入池形如筆立因名鳳池筆穎塔之傾

圯不知何時嘉靖初遺址尚在末年僧官盛芳掘

地取磚於方孔中得金佛當沒入官後埋為平地

遂失其處萬曆四十八年守韋宗孔命僧官尋覓

塔基掘地三尺得故址重建基向俱仍舊載攻郡

人李鵬碑記亦云浮圖在東側俯眺數十里日西

影落舊石塔州治東北去西溪鎮極遠即唐太宗

所蕩塔基突出海春軒寺塔州治東北西溪鎮東

微如卯迹尚存莫知其始萬曆鳳凰墩州儒學泮

氏名魚行莊塔間僧募化重建鳳凰墩州儒學泮

今廢

虎墩州治東北一百五十里小海場范柴墟州治

里長堤舊貢院前鳳凰池堤自南山范公堤一名

捍海堰州治東北一百五十三里唐大曆中黜陟

潮汝民獲奠居以時耕稼而亭竈相望依以取用

農事鹽課兩有利焉宋開寶中守王文祐增修後

圯天聖初范文正公為西溪鹽官白發運使張綸

給自請兼知秦州以總其役越三年而堰成長二

而令以范隄名雍正二年大水隄壞同知陳九昌

勸民修築身任勞苦務使堅好如故又教民種植

今陳已陞任澧州行人過其濟川壩州治南門外

下者不獨感范公餘蔭也濟川壩北瀨運河水

南入濟川河以通揚子江其壩五所延袤十東壩

里自西關口至漢河岸今惟中壩存焉

州治北迤西壩州治北迤西一里許洪武二十五

東一里許西壩州治北迤西一里許洪武二十五

年判官簡輔開拓二

壩商民稱便 舊名新河壩 東河壩 又名鮑家壩 州 黃龍壩 州治

隅 魚行壩 州治北 姜堰鎮壩 州治東南 秦潼鎮壩 州治

州治東北 西溪鎮壩 州治東北 海安鎮壩 州治

百二 二元坡 州治北門外坡子也 舊為儲氏所居

響林 州治東七里昇仙觀 徐神翁瘞劍所也 宣和

東應故名寶慶間守陳垓修 楊公堤 州治東北起

觀建亭為觀遊勝地 今廢 叔作許氏南園 記今廢 西

西溪鎮一萬一 南園 州治南許子春建歐陽永

園一名方洲 州治西園也 宋嘉定十年守李駿建

鄉曰醒翁堂曰小有曰六直曰知魚曰盟鷗曰公

來游曰一春佳趣曰瓢菴曰七一泉曰蒼葛林嘉

定初朔也曰青龍莊曰純節曰釣臺曰方洲外圃

關四亭寶慶三年守陳垓營葺又增翔焉總以

方洲之名取方丈瀛洲之義亦東海 州治東二百

其地地方而環以水也 今盡廢 揚子江 州治

郡之險要財賦之淵藪也 本州所屬 揚子江 州治

十里口岸港有渠通 小西湖 州治西泰山下宋紹

南運河漸汝時至 興二年守陳垓重浚

周一百八十七丈為長堤即山之西為霖亭循亭

下堤堤南蔬圃十五畝正西入湖中方嶼為堂重

門兩廡祠十仙子堂石鐫仙像兩廡為房以棲黃

冠中為過廊臨流四楹扁曰小西湖對崖前望嶽

殿佛宮隱然丹丘靈 鴨子湖 州治南二十里西通

境也今廢惟湖僅存 鴨子湖 州治南二十里西通

於祈湖一名淤溪河 州治東北三十里水下流入

於祈村 鷄雀湖 州治東北四十里周三十里水自

故名 鷄雀湖 州治東北四十里周四十里水清而無

名 包老湖 州治東北四十里周四十里水清而無

水供 仇湖 州治東北一百里周三十里東入梁梁

各又昔有龍居此湖游中市河自南水門入至北
 至郭太保潭州人祠之玉帶河城內沿城一帶東西市
 萬曆三十九年都院李三才重浚院李三才創自東水門出以通外河後東水門塞都
 市河分折至東水門新開一河接通南北其西市
 院李三才創自東水門新開一河接通南北其西市
 河俱從北水門出入通新河州治西光孝寺東其水
 門嘉定十三年躍鱗河水入迎恩橋通洋池正統
 守李駿開置躍鱗河間御史蔣成開置後學正
 陳琦扁臨河學門曰南運河州治南東抵通州及
 躍龍門今扁不存各鹽場直入於海西
 通河西運河州治西南舊名吳王溝漢吳王濞開
 運河以通運至海陵倉即灣頭鎮下運河
 是北運河州治北通東河州治東三里通北運河
 也北運河州治北通東河州治東三里通北運河
 化年守彭濟川河州治南自運河壩三十里至廟
 福開浚濟川河灣又二十里至濟川鎮逆揚子
 江賈船商帆浦汀河即海陵溪州治北自魚行壩
 多由此入

忠義河

西溪鎮東三里隋將賀若弼
 捕海寇有功立廟河側故名

晏溪河

即西溪州治東北一
 百二十里東

卓錫泉

州治北三
 里開化院中唐寶曆間王屋禪師自蜀來駐錫於

晏殊嘗官於此民思不忘故名晏溪

辭郎河州治北
 一百二十里西溪鎮昔天女與董承

相別處西北直通興化界凌亭河

卓錫泉州治北
 里開化院中唐寶曆間王屋禪師自蜀來駐錫於

此臨化思蜀水飲令徒以錫杖卓後園中須與泉

水遂溢云此泉與揚之蜀崗通
 山陰一曲州治東

一統志載即七星井之一也

山陰一曲州治東
 司方池內蓬萊瀛碧之間宋嘉定十四年茶鹽使

徐正卿壘石為山山號香岳中為曲水環以修竹

與客觴咏於此有山陰
 太子港在登仙橋西南古

曲水之勝故各今廢

太子港在登仙橋西南古
 間王仙翁上昇昭明太子同邵陵王綸由此港往

茂英按故跡鑿清瓶港

清瓶港州治東
 州治東四

姜堰城子溝州治南九里溝州治西佛兒溝西溪鎮側

本唐時端輝寺今廢為溝內銅佛不知其數昔有泛海者乘船過此累獲銅佛三五因各黃

沙溝州治南二十五里施家灣州治北五里魚鹽

集之唐灣州治東三十里宋文天祥早發所也葦灣州治

東北西溪鎮之東有聖果院一僧渡海求舟舟人却之遂具袈裟折一蘆葦過

海遂以郭太保潭州治西北隅廣袤數頃深不可

此保其檢校官也世傳嘗有游龍自仇湖來居此潭禱之即應立廟祀之今靈濟即其神龍潭

二所一在州治北五里新觀西陂澤中一在州

基共計十五丈許見今有居民領佃地約五丈有奇近城子溝又相對運河中郭藥

潭州治東北十八里港口市世傳唐時有郭藥潭氏居此皆富族結為婚姻藥氏積薪下匿空處

得一郭穀大如斗樂異之以貯食米其米取用不竭事且假與郭氏不還忽一日藥氏釜中有生魚躍

出甚大藥惟而卜之舟望東逃藥從之亟去不及語郭去後風雨大作

惟一織女失載與郭氏家人俱陷其地潭水深澈物無不照每風雨作聞潭

下有織機聲後立魚龍廟以祀之州治東北一百魚行減水閘州治北秦潼減水閘

州治東北六十里王家閘鎮東丁溪海口閘州治東北一

曆十年巡按姚士觀命守李裕建以洩木州境內蓄水與興化白駒海口閘同時建姜堰州

東四十五里天目山前壘以達上河嘉祐二年守王純臣移堰近南宋莊

於羅塘港近運河口藕花洲舊為水村茅茨十間後

環水植蓮宋紹興十年守王喚建嘉泰三年鳳凰

守陳茂英撤而新之為屋三間跨小橋以渡

池二 一在州治南舊貢院內宋紹定二年守陳垓復開二池前為長堤植華表沿堤及池種柳

臨流為閣剪茅為菴對子城隅雌堂鷗閣各為六楹傍於華表一在西溪鎮世傳嘗有鳳凰來浴此

池云即董永遇溪光池 廣西溪鎮廣福東寺之東南天女處也久湮

東通鳳凰池北通小海池 西溪鎮廣福東寺之東海池南止溪光橋

前直通海岸舊有取魚灘 西溪鎮東世傳七星井泛海者多聚於此

一州治東二里東禪寺前曰廉貞井又名雙井一州治西門內一州治東門內仙源萬壽宮之側曰

丹井皇甫真人煉丹之所一州治北歌舞巷內一州治北

如廟前曰魁罡井一州治北歌巷內一州治北

三里祐聖觀中以上七井布列如斗形 十軒井 西鎮東廣福寺內一海春軒寺內二潛軒院三清軒

寺四靜軒寺五寶相寺六定軒寺七溪光寺八秀軒寺九悟空寺十唐大中間改悟空為承福宋治

平間又改聖壽院今寺多併入東廣福院井亦多

廢鏡香井 州治小南儒學學正廳之東宋井也圍

十九年訓導何湘得其故址而重甃焉正德間天

學正陳琦重浚得舊井欄上有文曲井三字

女縲絲井 在西溪鎮廣福院漢董永所居即曹長

者故宅內井也永養父至孝家貧常備

辨父亡貸主人萬錢以葬約自鬻其身後感天女

為偶一月織練三百六十匹以償乃凌空而去井

卽其汲以縲絲者水最深廣早汲不絕 鳳昇井 俗

每蠶熟時井有白草根長丈餘如絲然 鳳昇井 俗

雙井 州治東北西溪鎮南倉橋東西兩岸相向舊

志云天女辭董永相別過此地天女取釵二隻於

附

古蹟海陵制置院 偽吳楊行密卽尉廳東門外鳳

宋海陵縣尉廳 江海會祠 漢晉時皆永寧宮 州城

秦州志 卷之一

唐李昇昇元六年遷偽吳楊行密子孫於海陵號其居曰永寧宮嚴兵守之絕不通人久而男女自為匹偶周世宗征淮南詔撫楊氏子孫李景聞之遣人盡殺其族周先鋒都部署劉重進得其玉視瑪瑙碗以獻今按址在譙樓之北故老傳譙樓乃其宮闕門也後以其北築子城為州治淮東道院在舊治內大廳之東以海陵地僻少訟初名無澤國之風過客甚稀至有道院之號乾道五年守張子顏重建嘉定七年守李琪始加淮東二字寶慶三年守陳垓增重泰堂守陳垓建以州無訟門修廊兩廡大廳泰堂名各之自為記無訟堂舊治內東三樂堂在無訟堂郡圃在大堂後望京樓在郡圃內宋咸平中曾致堯建會詩有雨過孤景象文備堂在郡圃東文會堂舊治內宋天聖間滕可兒文富彥國胡翼之清風閣舊治內自五代時范希文富彥國胡翼之清風閣舊治內自五代時周春卿唱和其中今廢

聖為登陟之階中為滑石浚臺臺上有閣名清風州人曰為山亭宋咸平中守曾致堯作山亭六詠清風閣其一也清漣橫舟在清風閣玩芳亭舊曰王介甫有詩後舊名成趣玩芳亭舊曰留春又曰綉野閣在清風泰庵在玩芳三至堂內宋紹聖間守曾肇以祖致堯守泰父易占六詠亭舊令如臯并已三世守官海陵故名今廢芙蓉閣舊治花洲上亦六浮香亭在藕花洲後宋茂陵御書也詠之一也小亭刻秦詩牆間紹定元年守陳垓撤舊亭大書宸扁其上刻秦太虛蘇東坡穎濱參寥詩於石須友亭與浮香亭對守陳垓種竹為屋曰德星館舊治內西樓之譙樓州治南舊傳楊行密子孫所下舊清波亭也世宗賜以鼓角門戟遂建鼓角樓於上淳熙宣詔中守萬鐘重建龍圖學士韓元吉為之記

亭左 譙樓 頌春亭右 譙樓 御書手詔亭前對 舊貢院南

山寺西宋紹聖四年守陸佃建有鳳池朝陽亭守

雄亭陽閣雜庵共六十二處紹定二年守陳垓開

二池日鳳凰池閣前為臺門州治東南舊東樓一

長堤東植華表今廢 皇華堂俱在大觀行

名揚清舊運司內 爰咨館 皇華堂俱在大觀行

堂大廳之後以左思吳都賦三槐堂皇華堂君子

亭與三槐簡愛堂觀行堂問津亭簡愛堂澄清堂

會心堂俱在運司月蕊堂會心天桂堂 瀛碧

堂俱在澄捲翠堂瀛碧綠淨堂 來薰堂俱在瀛

景賢堂即名賢堂來薰堂月臺澄清喜雨樓月臺

蓬萊閣對瀛碧前俯澄沼沼中疊石即香品亭也

亭 愛山亭來薰觀風堂來薰柳塘精舍觀風書

籍庫柳堂精舫齋觀風塵外齋柳塘精星槎亭西

瀛碧 墨妙齋以上俱在舊運司守雌堂仙源萬修

蓬萊 竹軒 箒菴俱在守知津亭州橋將迎館州治西

宋建炎間置後陳 會星亭登仙橋東舊海春館恩

亦逢春之語而名 迎麾亭州治西歸鶴亭州治

里響林昇真觀內徐神翁瘞劍所也宋守陳垓建

客觴詠竟日於是州之士大夫商旅瞻謁 鹿女臺天

神翁者得以徜徉盤礴云亭前有軒廢 鹿女臺天

山西昔王仙翁居山日有五鹿乳焉翁挈養之鹿日

草莽中聞啼聲往視之見鹿乳焉翁挈養之鹿日

三人築臺山右居之號曰鹿女臺廢 景范樓迎恩

文正舊溪月樓迎恩門外順真堂州治西南太子港西

雪堂州治東南周讀書堂州治東北八十里景德

鄭公以父蒞任隨侍讀書與胡侍講周待制相友善時范文正與滕待制子京俱官海陵待制三人甚厚謂皆公輔器也後韓子蒼長洲澤劉昭注長洲

亦常寓此讀書有題壁詩蒼長洲澤澤多麋博物

記曰千麋成羣掘食草根其處成泥名曰麋峻民人隨此峻種稻不耕而獲其收百倍又沿海洲上

有草名蒨其實食之如大麥秋冬斂獲名曰自然穀或曰禹餘糧相聞海邊人說泰州沿海洲上蘆葦無際羣麋迅走人欲捕之雖麋不獲蓋常兩兩

並負其子而行蒨草今亦有之所謂長洲澤者沿海洲上皆是桑田同樂亭州治西自方洲西出便

之變莫詳其實同樂亭門臨河為浮橋以登是

亭籬菊野花雜植焉宋守陳玠建以南通經武橋北過泰寧西登暘谷東入小西湖堤亭楹四達遊

人往來取醉翁鳳凰臺寧海門外昔水朝陽有翔

亭記中句為名鳳凰臺鳳迴旋之勢相傳昔有鳳

屋來集其上宋時海陸大雅亭鳳凰臺之上新濠走響林歸鶴

也亭路迎賓亭避湖亭溪光亭奉先亭俱在

鎮范文迎止亭西溪鎮北中洲山南風亭西溪鎮

書院晏元思賢亭西溪鎮東寺塔院呂文靖守官

亭以寓葫蘆河州治西南樂橋圓如匏可十畝太

子伯起為葫蘆河王古井欄東臺聖果院內晏溪

先生伯起安定壻志云大唐開寶間造

舊有縵跡深寸許今復生合而八八垵北相傳漢

誌文亦漫滅莫辨益活石云高麗鼓聖果院內

者家為第八十六四長者家曹長高麗鼓即偽唐太

保中隨海潮漂至鼓也范文正公有詩千年人花

七者光不蝕照日光環一丈其餘規銅而已

增

閔好軒

宮鴻營手講清吟處

外史氏曰形勝方輿所據詎止取觀游哉按境東瀕海北距淮大江襟前巨湖環後川塍廛肆相錯如繡民無事則耕食而鑿飲有事則荷戈帶甲以壁於四郊誠天府也矧夫人傑地靈桴應符合道德文章揭日月於丕冒則下流上峙若因之增而壯矣易曰天險不可升也地險山川丘陵也余曰人險與天地參無得而踰也若古蹟湮替不知凡幾今以名僅存者識於末庶好事者或可因名而求蹟云

風俗

冠服 三加雖為古禮名族前朝行之而閭里莫行

本朝創制顯庸章服歸於畫一臣民共為遵守雖貂

狐紵絲競尚華麗而花樣顏色悉依部文服制有

辨無敢或違近奉

新綸帽頂復依定式等威物采萬世為昭矣

婚姻 始議婚或姻戚作伐或用媒妁初聘定次請

期次納采女家亦有回贈于歸粧奩豐儉各稱其

家俱設宴延賓迎送合巹夕花燭交輝聚觀如堵

三日拜見翁姑及家眾以分大小女家備儀物各

曰做朝壻隨往拜女之父母遍及親族名曰回門

仍留宴滿月婿偕女歸寧

喪祭 初喪姻族聞訃偕至殮畢三日謁土神祠六日謁城隍廟卜筮向隅而泣事雖近俚而號呼難割之狀恍如覲其顏面者成服開喪禮親知數人爲司賓以代送迎其枉弔者列席留飲逢七多作佛事當出煞日空室徙避亦有迎而襪被者弔客折楮儀賻儀厚薄任力喪家不無小補及其襄事姻朋醵錢爲飲鼓樂雜沸名曰伴夜屆明執紼送郊喪車結綵爲蓋凡芻靈等物稱家而具葬後領木主歸設龕以祀惟縉紳則有家廟所可取者並

無火化水葬一事卽至貧亦有抔土可封也

燕會 賓禮揖拜俱上左往時殺止數品酒不過六七行無論坐客充庭俱以一盃傳送僅將敬而已今則觥籌無算羅列盈前且多用優伶卜夜爲樂而遂相沿成習矣繼則側弁叫號畧無繩檢矣

歲時 元旦合家拜慶禮與他方畧同從寅夜卽起詣各廟拜送香紙道路絡繹不絕姻族椒酒相邀初八穀日占雲氣陰晴以定一歲豐歉 元夕張燈自十三夜至十八夜止架松棚綴綵幔懸燈其下載酒相樂花火熾焰少年手持奇巧之燈擊鼓

鳴鏡喧闐街市十六夜更闌人靜女伴相攜出行
 曰走橋有乞子者取磚密藏以歸又請紫姑神以
 卜女紅巧拙清明祀先展墓郊外婆婦孤兒悲
 啼遍野其拜掃率一家長幼咸往焉四月八為
 浴佛日婦女有相約詣尼菴拜禮及祈求子息還
 愿者端午解粽泛雄黃菖蒲火酒食臘味男女
 佩丹符繫五色絲於臂簪花插艾與他處大同小
 異七夕穿針乞巧中元日孟蘭大赦僧舍作
 會遠近爭赴人家皆祀先薦新中秋作月餅相
 遺設瓜果豆角等物賞月重陽市中作糖糕插

香綵旗以售好事者登高酌酒猶存落帽遺意 十

月朝舉祀先禮炊黏米合赤豆為飯見西成事畢

之徵冬至前一日各家俱祀神祀先至正日罷

市相賀今不復行臘月八日俗食臘八粥合諸

果品肉膾為之二十四夜送竈神除夕前三五日

書姻戚彼此饋送至日亦祀神祀先並接竈換桃符

貼春聯合家圍爐守歲藝松盆燒丹驅疫火炮之

聲不輟立春前一日官僚迎春東郊如常儀

海陵幽邃而地肥美故民惟事耕漁性多朴野耻以

浮薄相誇鮮出機巧雖無富強而家亦自給不務爭

奪自漢高祖王兄之子凜於吳致天下娛遊子弟枚
乘鄒陽嚴夫子之徒而淮南王安亦招賓客著書文
辭並發至於梁太子統有文選之作常與賓客遨遊
此地而港以太子名橋以金蘭著廟以文孝食攷隋
書亦云其俗頗變喪祭婚姻率漸於禮又有查胡王
諸公化之而茅茨陋巷絃誦相聞蔚然有文雅之風
故自宋雍熙至淳祐登進士者百餘人間有廷對第
一仕至樞府政地者元世風俗頗尙浮靡入自我朝
漸磨政教民復敦龐士還淳厚其擢登魁選仕居臺
省無減於宋而文雅之風幾或過焉

郡舊志

外史氏曰賈山曰風行俗成萬世之基定風者上所
化而俗者下所習也易言撓萬物者莫疾乎風夫風
起青蘋之末不須臾而徧於郊坰無草不靡無物不
嚮則移易之機上操之矣秦俗民樸而鮮儇巧士重
信義斥浮薄今漸以奢侈相尙燕會服飾比于三吳
又小人尙氣好爭或細故輒終訟不已將何以挽江
河而復獠狃之舊也哉是在掌風教者

物產

穀類 海陵紅 俗名秦州紅 馬尾赤 鶴脚烏 雀不知

隨犁歸 救公饑 六十日白 觀音秬 駝兒

白小香 早香 墨早 白早 早秬 斑秬

焦芒 青芒 赤芒 黃芒 紫紅芒 烏壳

深水紅 了田青 下馬看 鯽魚秬 香粢

鱈魚黃 以上皆秬稻 趕陳糯 羊脂糯 燕口糯

羊鬚糯 虎皮糯 秋紅糯 紅糯 香子糯 以上皆秬

上皆秬稻 大麥 小麥 淮麥 蕎麥 以上皆麥

赤蘆稌 白蘆稌 以上皆黍 稌 粟 以上皆稷

紫豆 黑豆 黃豆 紅豆 赤豆 青豆 菜

豆 豌豆 豇豆 有紅白紫斑諸色 蠶豆 刀豆 龍爪

豆 菹豆 有黑白二種 芝蔴 以上皆菽

蔬類 白菜 數種 青菜 芥菜 紫白二種 苕菜 生菜 薺

菜 莧 有紅白紫三種 芹 水旱二種 菠薐 俗呼菠菜 蒼蓬 俗呼甜菜 苦蕒

即芭也俗呼芸臺 香蒿 苘蒿 豆芽 萵苣 蕪荷

萹 蘿蔔 紅白紫三種 胡蘿蔔 茭白 一名菰菜 香芋 甘

露子 薯蕷 俗名山藥 芋 俗名芋苗 蕈 生木上細者曰天花葷即木耳石上者曰

石 葱 韭 薤 蒜 胡葵 俗名葷葵西方以

菰類 王瓜 絲瓜 冬瓜 西瓜 南瓜 北瓜

甜瓜 香瓜 苦瓜 玉瓜 壺盧 數種俗名葫蘆 瓠子

茄 隋煬帝收茄子曰崑崙紫瓜因系之瓜屬 茨菇 荸薺

木類 松 栢 桑 槐 柘 柳 榆 椿 桐

木檀 阜莢亦名阜角 白楊 黃楊 垂楊 冬青即女貞

狗橘 棟 梓 銀杏 椒 楓 樗 穀一日楮桑

烏臼 櫻櫚亦各併櫚

花類 牡丹 芍藥 薔薇 茶縻 海棠 棣棠

木香 瑞香 繡香 郁李 八仙 玉蘭 紫

荆子 梔子 繡球 水筆 木槿 木樨 紫薇

金沙 鹿葱 金萱 夜合一名合歡 芙蓉 山茶

玫瑰 山丹 鶯粟 金錢 蜀葵 黃葵 雞

冠 菊 茉莉 珍珠花 旋覆花俗名滴金 月季

花 紫丁香 後庭花即雁來紅 十樣錦 石竹花

鼓子花 蠟梅

果類 銀杏 櫻桃 石榴 葡萄 桃 梅 杏

李 棗 梨 橙 柿 菱 芡 蓮 藕 胡

桃 栗 林檎來禽也俗名花紅 文光果俗名無花果

竹類 苦竹 筍竹 筍竹 水竹 紫竹 鳳尾

竹 斑竹 慈竹 篾竹

草類 蘆 荻 茅 葦 菱 莎 蒲 蓼 蘋

蒿 稗 莠一名狗尾草 萍 藻 蘭一名孩兒菊 荳 芒

莞 黃草 荇 三稜 佛指甲 酸漿 瓦松

生瓦 魯丁 馬鞭 雀麥 萹蒲一名水劍 獐舌 芭

游一名竹節

藥類 荊芥 半夏 茵陳 枸杞子有紅黃二種其根為地骨

皮何首烏赤白二種 三七 蒲黃 大戟 瓜蒌 黃

耆 桃仁 杏仁 芎藭 白朮 山藥 薄荷

牽牛 蒔蘿 菟絲 紅花 紫蘇 南星 生

地黃 車前子 蒼耳 麥門冬 蛇牀子 天

麻 香附 牛膝 豨薟 海漂硝 苦苧 蔞

益母 皂角 針石 蒺藜 金銀花 桑白皮 艾

連翹 蒲公英 玄精石 蒲黃 蘇合 木香 沉香

毛類 牛 羊 馬 驢 騾 豕 犬 虎 鹿

麋 麋 獐 兔 狼 貓 狐 狸 獺 獾

鼠 黃鼠郎

羽類 鶩二種出樊以者 鴨 鳧 雉 花雞

鵲 雁 鵠 燕 鷹 鷓鴣 烏 山練子 鳩

有斑有鵝 鴿 天鵝 鴛鴦 鷺鷥 鸕鶿 百舌

蠟嘴 山鵲 雪姑 鷓鴣 啄木 鷓鴣 白

鷓鴣 黃鸝 青鸝 練雀 郭公一名布穀 鷓鴣俗

八叫 天 白頭公 禿鶩 鸕鶿 鷓鴣 梟 鶻一名伯勞

蝙蝠

鱗類 鯉 鯽 鱧俗名烏魚 魴即鱖 鰻 鱖 鱈 鱣

鮎 鱧 鮓 出江 魮 魴 鱸 魷 鯊 鯖 鱈

鯊 銀魚 金魚 白鯨 烏賊 石首 俗名黃魚 針

口 梅頭 鱮 鮓 鱈 鱖 黃桑 河豚 水母

介類 龜 鼈 蟬 蜆 螺 有毛煙竹 蚌

蠶 蠟 蛤蜊 蟬 蝦 大蛤也 蟳 蚌 螃 蜊

煙以下皆海錯 土 蚨 泥 羸 亦出海

蟲類 蠶 蜂 蝶 螢 蟬 蛭 蛇 螳 螂

蜻 蜓 蚱 蜢 蝻 螂 即轉也 龍 龜 馬 蟻 蟋 蟀

蚯 蚓 蝦 蟆 似蝦蟆而背青綠者曰青蛙 蜈 蚣

蟻 蠅 螻 蛄 俗名土狗 天 牛 蟬 鼠 負 一名威 蜒 蚶

蠋 絡 緯 俗呼紡緝婆 蟾 蛾 叩 頭 蟲 泥 俗呼土盤

貨類 鹽 莞 蓆 苧 蔴 縑 蔴 川 蔴 苧 布

木 綿 生 絹 絲 絹 黃 草 布 硝 礬 靛 藍

飲 食 類 酒 醋 糕 餅 粉 肉 黍 麵 油

鹽 鴨 蛋 鰕 米

器 用 類 鍤 農 具 篋 籬 箕 土 缶 芟 苗 帚

蒲 包 烘 爐

外史氏曰昔先王辨土地察原隰教民樹畜務興白然之利以故箕疇八政食貨先之而計然言於范蠡曰治國之道在乎雜齊物關市不乏此即懋遷有無

化居之義也吳陵屯田煮海既居其饒華實之毛又稱江左上腴粟與幣倍儲農與末互劑余竊侈為盛矣得古之良法善畫矣然未免鯁鯁以過盈為慮其喫緊則在樽節哉

泰州志卷一終

泰州志卷之二

建置志

城池 兵戎

公署 驛制

學校 鄉都街市

壇壝 坊表

祠祭 橋渡

易稱設險詩詠公堂書表宅里禮謹輿梁何以綢繆屹然金湯有基勿壞時葺時防志建置

城池

州城自南唐昇元元年陞海陵縣為泰州以褚仁規為刺史築羅城二十五里濠廣一丈二尺周顯德五年詔州刺史荆罕儒為團練使營州治增子城於東北隅更築城自子城西北至西東南至南合西南舊城周十里一十六步皆甃高子城一尺而厚如之今

城是也宋建炎中通判馬尚增修盡甃其外爲四門
爲甃城高三丈二尺趾二丈面三之一廣濠至五丈
深一丈四尺城之南又增一濠紹興辛巳完顏亮寇
瓜洲城廢開禧丙寅權守趙逢始修築守公潏守何
刻繼之六七年間纔甃二里餘朝以委提舉茶鹽事
施宿申免耗鹽袋本錢一年買木於袁買灰於湖置
窰百座乞鎮江軍併庸夫重甃其表視舊增五之二
寶慶丁亥守陳垓開東西北外濠浚南濠通十四
里面二十四丈深一丈五尺端平後守趙汝擢增治
城濠未竟守許堪繼之四角爲月河深廣皆倍於舊

又別於湖蕩中創堡城去城五里謂之新城提刑丁
公提舉丘岳制置司趙葵實主之淳祐元年虜哨突
至以濠深不敢嚮而覘堡城乃命守趙玘夫修城浚
濠益嚴備禦工未竟虜襲通州或謂海陵難守議改
築而邦人安土重遷三年命都統王安來仍舊修濠
以提舉提刑惠孔時爲之提督後何舜臣復增月城
四門濠池甬路及圃子外濠岸使周圍相通元末癸
巳年州民張士城亂明年正月二次入城公私房舍
寺觀廟宇燬爲瓦礫官民潰散舊有堡城修築據守
設置揚州義兵元帥府并設泰州衙門乙巳年守禦

偽官副樞夏思恭院判張世俊竊議修葺舊城方興
工兩日時徐平章達兵至泰興江岸河港不通調撥
軍士自大江口挑河十五里通口岸直抵州之南門
灣常平章遇春率領馬步從揚州陸路同日至隨卽
交戰士誠退保新城大軍入舊城屯駐遇春遂東築
海安鎮城屯兵拒絕通州糧道士誠軍敗遂乘勝由
東北城角而俘獲偽官夏思恭等平新城復於舊城
修築畱兵鎮守繼而建設州治及守禦千戶所而新
城隨廢海安城亦圯城周圍二千三丈二尺計一十
二里四十七步高二丈七尺趾濶四丈面二丈城門

樓四座東曰海寧西曰阜通南曰迎恩北曰迎淮月
城四座南北水關二座窩舖八十一間濠深一丈一
尺廣五十二丈袤二千三百八十丈五尺爲海防要
害萬曆十四年水患異常城垣四周傾圯四百八十
丈窩舖三十間州守譚默申請海道胥遇蠲公帑鳩
工役具斃修築不括民間一錢六越月告成其巍然
金湯之雄乎

新城州治北五里周圍二百丈卽許堪創建堡城
也宋德祐二年元阿木遺兵拔新城畱屯以逼泰
州元末爲張士誠僭據明初平之今廢

海安鎮城州治東一百二十里周圍三里三十步
磚甃表裏常平章所築屯兵處後圯嘉靖間倭夷
犯順巡撫唐順之暨海道劉景韶重建四周土城
六里許水關三座城門三座曰鎮寧曰泰寧曰永
安今復就圯

子城州城內東北隅周二里二百步表裏皆圍以
甃卽荆罕儒所建今當察院馬廩之間城盡圯州
治移故海陵縣基乃子城之西也

月城四門外之甃城也正中設門上有敵樓各一
座卽馬尚所增建者萬曆二十五年鼎新之改區

東鎮海西控淮南襟江北拱極

外史氏日記曰城郭溝池以爲固皆所以禦暴而保
民也泰爲揚支郡當江淮河海縈帶之區百里專城
官師之所統御士民之所馮依胥是焉賴今城四週
皆廣濠城翔濠上如鳳翥或名鳳凰城實墉實壑鎮
守捍衛泰有以自恃矣然地利不如人和行仁政以
收衆心庶無形之干櫓也哉

公署

州治在城東北創自南唐昇元元年周顯德五年陞
團練州以荆罕儒爲團練使築子城周二里二百步

為州治宋元因之燬於

建州東偏故為淮東提舉司宋

事鑿戶以通而州與司甚密今司已廢則古州治之

當在州橋譙樓直北察院馬廐之間今之州治乃古

海陵縣基也景泰間知州劉倫成化間知州陳志先

後修創萬曆間知州李存信鼎建大門其上為樓以

舊門卑隘今較軒豁矣

大門三間成化十三年知州左輔重建萬曆三十一儀門一

知州陳志先戒石亭一座正堂三間并西耳房一間永

統十年同知幕廳三間止堂之東舊以耳房為之

工思旻重修成化二十年知州彭福重建

左右司房十八間甲仗庫左司房之上架閣庫右司房之上穿

堂一間正後堂五間穿後庫六間倒敗知州宅正

東同知宅正堂判官宅正堂西舊有二吏日宅正

南大門外南圈門上曰黃榜開科東西二圈門二

一紀綱重地大門外為申明亭旌善亭今亭南另

設輕監以居輕犯 儀門外左土地祠右迎賓館

其傍隅為囹圄所 儀門內東西馬道門各一東

馬道南北吏舍十四所西馬道吏舍二十所

都察院州治東萬曆辛丑年都院李三才以察院

海防兵備道州治南中軍廳在道演武廳在道

東察院

州治東萬曆間
守李存信重修

兩淮都轉運鹽使司

舊在州治
東今廢

府館

州治前
稍東

守禦千戶所

州治南
有鎮撫司吏日宅

雜署 聖諭亭

州治東
陰陽學 州治北
今廢

醫學 州治前
今廢

僧正司

州治南山寺

道正司 州治東南城隍廟

巡檢司三

安鎮一西溪鎮鹽課司十

一拼茶場一角斜場一富
安場一安豐場一梁梁場

一東臺場一何梁場一丁

海場稅課局 州治西南
鹽義倉 正雍

首建坐落城西門

兗軍倉 北門外西
常豐倉 州治西
預備

倉 州治西北

社學五 一名端本在州前
一名慎初在城臨淮坊一

名立誠北門外

養濟院 州治東南
教場 州治西北
中

為將臺左

鼓樓 州治東南
洪武初守張遇林建正
為轅門 統間同知王思曼重建此後傾圮

修復鐘樓 州治西南
洪武四年守史遇建宣德五
不一 蕭旭修萬曆初年

舊有太倉一名海陵倉

吳王濞所建左思吳都
賦云觀海陵之倉則紅

粟流衍

州倉 舊子城外
平糴倉 附於州倉嘉泰三
是已 西門外

西倉

經武橋北嘉定年
惠民倉 嘉定六年常
守李以增戍兵建

倉

西門鹽局觀中興
真州鹽倉 常平使徐
都鹽局也改為倉

備邊倉

嘉定橋南紹定五
軍儲倉 守禦所西南
年守趙善瀚建

屯種倉

州治西永
軍資庫 舊治子城
西門嘉泰
樂三年建

無訟

寄收庫 附軍資庫
修城庫 軍資庫前
常平庫 軍資庫後
堂東

焙庫 都造酒庫 俱在舊治 迷仙庫 登仙橋東嘉定十二年

年守李駿建寶慶三年守陳垓 斗門酒庫 州治西二

增屋建樓以隋迷樓之義名之 公使醋庫 舊茨舍嘉定十六年

陳垓建 戶部贍軍庫 日中公使醋庫 節制司激賞

守史彌寧 節制司激賞塘頭庫 節制司激賞

塘壩庫 節制司激賞廟林庫 並寶慶三年守

便民典庫 運司西舊在市心 寄椿庫 錢之不隸

者入 公使庫 籬苑家糧雜 軍器庫 鎗刀弓弩紙

之 給之俱運司西守 受給場 舊治西樓內 糯米場 舊治

兼提舉陳垓建 柴場 嘉泰元年守 上河支鹽場 內大

聽西廊俱紹定 柴場 陳茂英建 上河支鹽場 內大

元年守陳垓建 柴場 陳茂英建 上河支鹽場 內大

齊川橋西守陳垓 鐵盤場 招賢門外 麩院 清酒務

移建北浮橋之西 鐵盤場 招賢門外 麩院 清酒務

登仙橋河東慶元 西酒務 登仙橋河西名自

五年守張煥建 西酒務 酒務寶慶二年守陳

垓重 南稅務 舊在海春館守陳 北稅務 東河

稅務 東門稅務 席索局所 西門內 造作局

守禦所東即 修城司房廊 五百間守 以上俱廢

今軍器局 修城司房廊 李駿建 以上俱廢

外史氏曰百官之府曰署星聯棊置正以肅堂皇之

體也古者日有省月有會歲有成考政糾刑惟是重

者也

學校

儒學州治東南自唐置吳州已建學宋慶曆中始建
 學子城內紹興八年草創海陵縣西二十五年守王
 揚英為宣聖廟於城東隅即廟建學前泮水後宸章
 閣明年守孫蓋始儲粟淳熙七年常平使鄭嗣宗重
 修八年守陳文中始置錢庫十年守萬鍾始藏書慶
 元六年教授江史始建武齊射亭嘉泰元年守陳茂
 英重建常平使趙克天始給田置義廩嘉定十五年
 教授徐牟德始置六齊爐亭十六年守史彌寧通判

尤靖築宮墻再繪從祀像紹定元年守陳垓遷貢

於學之東隅浚泮池甃通衢鳩工選材重葺增修元

季燬於兵燹明初洪武年間知州張遇林鼎建十三

年知州趙鼎永樂十年知州劉景文宣德七年知州

蕭旭相繼修繕正統十四年按院蔣誠知州黃性重

修建殿廡櫺星儀門堂齋生舍堂之後又創崇文閣

以貯經史百氏之書及庖湏庫庾之屬靡不畢備成

化十年知州左輔塑從祀賢像十五年知州陳志重

修兩廡改塑先賢倣闕里像二十年知州彭福開拓

東南故址周一百二十丈築淤填蕩以復東入之衢

移建學門植左右華表相距六十八丈五尺左文雅
右儒林皆復宋舊名弘治十五年知州謝傑再修嘉
靖間始以木主易塑像建敬一箴四箴心箴亭後鹽
院洪垣郡守朱登益飭治之萬曆四年海道程學博
知州蕭景訓加意鼎新移名宦鄉賢二祠於尊經閣
後十年海道舒大猷知州李裕撤去西向儒學大門
更匾道義門額自西迤東開周道門自東入益恢廓
之東構小樓名聚奎西構小軒名聯璧浴沂亭北舊
有泮宮坊撤之易以甄垣十五年鹽院陳遇文海道
胥過知州譚默更撤樓軒二所東易兩淮文獻西易

萬世師模二坊然自數數更張門向非舊文風日益
寥落矣因議撤浴沂亭於泮池而更建文昌閣於學
宮之東南泮宮北撤甄垣南建泮宮坊周池建楹間
以木石櫺星門柱悉以石易之十七年學院柯挺視
學謂泮池宜通外流浴沂亭宜建命知州譚默濬築
之二十九年撫院李三才駐劄泰州因從紳衿之請
遂檄江防同知李仙品攝州事修學濬河竝舉煥然
改觀太史京山李維禎爲記

櫺星門

三座石

戟門

五間有石

大門

一座面西臨

正德間學

正陳琦題

曰儒學

萬曆辛丑

二門

向臨

麟河學正陳琦三門面東匾曰大成殿五間洪武

遇林即故址建正統間塑先師東西廡合二十八

四配十哲像嘉靖初改為木主東西廡初名養正

後易明倫堂五間前軒三間大成殿後初名養正

木主明倫堂永樂間知州陳仲名募朱文公書匾

易今名內有臥碑東西齋房各六間明倫堂前左

置於東北壁間東西齋房曰尚賢右曰進德曰

新敬一亭倫一座明後尊經閣五間敬啟聖祠三間尊

土地祠三間啓省牲所啓聖饌堂尚賢西廂房三

學正衙明倫訓導衙三所倫堂西一為日新今廢

吏舍西側名宦祠會致堯呂夷簡范仲淹張倫

孔道輔韓琦趙抃岳飛文天祥明朝知州成樂王

臣黎堯勳朱公節崔國裕同知王思旻學正王傳

鄉賢祠戟門西祀宋天章閣胡瑗員外郎王俊又

侍郎徐蕃吏部郎中林春按察僉事儲洵洪雅知

縣王讓大儒王良太僕少卿陳應芳給事中王紀

劉希周處士唐珊泮池舊在明倫堂前正德

孝儒宮景隆訓導劉清泮池間按院蔣誠鑿於儀

門之南改作亭其上又於櫺星門外開三池築基

其中謂之鳳凰墩後內池既廢亭亦毀惟外三池

在焉弘治間判官前御史方岳建亭於射圃亭三

鳳凰墩名曰浴沂萬曆三十二年廢

射圃亭

學正衙東知文昌閣泮池東隅訓導李香望海樓

州韋宗孔建文昌閣泮池東隅訓導李香望海樓

在儒學巽隅以人文風水

所關也嘉靖初年重建

舊有六齋 武齋 宸章閣後改為崇

文閣

明倫堂北思槐堂崇文閣北文會堂思槐堂東西生

舍

明倫以上俱廢

祭器 銅犧罇 銅象罇 銅壘罇 銅香爐

祭器

銅犧罇

銅象罇

銅壘罇

銅香爐

銅銅碗二十筒 銅登五筒 銅簋十六筒 銅簋十六筒 銅鐘十六

石磬十二塊 大小銅爵一百四十隻 錫燭臺五對 錫酒海

鐵香爐十四筒 帛匣九筒 籩豆一百四十五筒 麾幡一應 鼓

祝一筒 敵一筒 朱子語類本四十 朱子文集大全本四十 奏議

書籍 朱子年譜部一 文公家禮部一 朱子註解楚辭部一 朱

子註解韓文全集部一 朱子經濟文衡部一 朱子學的

近思錄部一 錄要部一 小學註解部一 四書部一 易經部一

詩經部一 書經部一 春秋部一 禮記部一 通鑑綱目部一 性理

武經七書部一

舊無書籍庫祭器亦不全正德十六年學正陳

琦造祭器置書櫃二樹盛之銘其上曰置書之

櫃藏祭之器彼卑之者為眾之棄今祭器所剩

無幾而書籍失其半矣聊以存者記於右方

學田 鄭家莊田地一十三段計四百六十一畝 南山寺地

一段計二十七畝 蔡家堡田五段計一百畝

學西紅牆下地一段計一畝五分 上俱係

見在城東朱宣梁田二段計五十五畝 下河

鴈蕩莊田一段計二十畝 梁梁場田九畝

城東蓮花池田十二畝 李溪田一十七畝

姜堰鎮天日山田五十一畝 四分三釐

恢復學田紀

泰州學田共計八百四十三畝六分三釐內在城

內

田七十二畝鄭家莊 田四百七十二畝盡高阜膏
腴乃前明兵備道 劉公諱景韶字白川捐捧所

置發學收花以為 課季考之費原屬前賢培養

學校之至意也 二十九 年奸佃乘遵

旨編緝全書案內混呈 詳請歸州自是而後佃戶不

納本色於學惟於 州租課每畝銀止二錢而各

佃踞擅其中或云父 祖相傳或云出有倒價而儒

學公田浸成私產廩 生俞之驍劉之澄等嘗慨學

田之名實俱亡毅然 以恢復舊制為己任於康熙

三十六年具以災黎 依棲等事上控 督院批府

提審 太守傅公審 看得循名責實學田原為愛

養膠庠之公產烏可 使以佃為主所當亟請變更

仍歸該學每年夏秋 二熟照民田大例按畝收租

額鞭租課依期變價 赴州完納具詳 督院又蒙

批仰 藩司確議 詳 司看以該學之田置之

漠不相關揆之名實 不幾有負前賢之遺澤乎故

生員俞之驍劉之澄 等以情事未愜宜有此災黎

依棲之義舉既據 府詳議前來應如所議通詳

撫三院俱批如詳 轉飭遵照夫以前賢發學之

田自明迄今數百年 無異而奸佃竊踞謀歸州轄

失亡幾經十載不存幹濟之才何以有回潮之力
故誌之以存恢復之功且以杜將來機變之計云

泰州學田

鄭家莊田十三坵計四百七十二畝舊志多一畝二分應依舊志

南山寺周圍田一坵計二十七畝舊志多一畝二分應依舊志

南城脚下田一坵計四十五畝舊志無此田

泮池東田一坵計四畝二分舊志無此田

一段計一畝五分

下河蔡家堡田一坵計一百畝舊志無此田

舊志無此田

姜堰鎮西北天目山田十二坵計五

舊志零四分三釐

朱宣塋田八坵計五十五畝

淤溪田二坵計三十三畝 又田七坵計十一畝

舊志無此二項田

西溪田一坵計一十七畝 舊志云李溪田

鳩蕩莊田二坵計二十八畝 舊志止二十畝

舊志有梁塋田九畝
以上共田八百四十三畝六分三釐

此三十六年控田歸學時查明學田之數與舊志
所載微有不同又學中明倫堂內西北隅碑陰有

學田畝數四止不可磨滅

學田之恢復也俞劉二先生之功大矣俞字驄乘

劉字景淵皆有經濟才每鄉黨有大疑難事就折

衷焉一言剖析分曉精制舉試必高等以明經

登仕籍學田之復其小試也山寺周圍學田亦

多占踞又賴有沈子迪先唐聲遠先生繼

靖力任其事卒皆擴清晉恂懦然亦嘗左

右効力親見四君子任勞形于色不私一

已為學宮計久遠後賢享二不可忘恢復所

自故附識于此王晉原記

抄錄原任藩憲鄂公酌定五代木主位次條議

據稱昭穆位次所謂正位南向餘依世代東西

分列者非也所謂並皆南向照左右次序分別

昭穆者亦非也嘗考諸經義周禮春官小宗伯

辨廟祧之昭穆而昭穆之名始見於此禮記王

制天子七廟三昭三穆與太祖之廟而七諸侯

五廟二昭二穆與太祖之廟而五而昭穆之位

次未有聞也祭統曰夫祭有昭穆昭穆者所以

別父子遠近長幼親疎之序而無亂也此雖主

生者之昭穆而言亦可知昭穆之義大抵取於

有別有序而無亂者也至於昭穆位次於經義皆無所據後之儒者議論紛紜鮮所適從而古今禮制既殊其廟貌規模廣狹豐約之度亦難以古制相繩惟博採朱子之論明乎禮意之所
在以爲之折衷可耳朱子嘗引孫毓之言曰外爲都宮太祖在北二昭二穆以次而南考諸孫毓之說宗廟之制外爲都宮內各有寢廟別有門垣太祖在中左昭右穆差次而南由此觀之則廟中之主昭穆各不相望而義取於有別今所謂並皆南向左右次序分別昭穆者是無別

之甚者也故謂其說非也朱子之言曰太廟之制始封之君居之昭之北成二世之君居之穆之北廟三世之君居之昭之南廟四世之君居之穆之南廟五世之君居之廟皆南向各有門堂寢室而牆宇四周焉凡廟主在本廟之室中皆東向及其祫於太祖之室中則惟太祖東向自如而爲最尊之位群昭之入乎此者皆列於北牖下而南向群穆之入乎此者皆列於南牖下而北向南向者取其向明故謂之昭北向者取其深遠故謂之穆蓋群廟之列則左爲昭而

右爲穆祫祭之位則北爲昭而南爲穆五廟同爲都宮則昭常在左穆常在右而外有以不失其序一世自爲一廟則昭不見穆穆不見昭而內有以各全其尊由此觀之古者廟皆南向主皆東向群廟之制雖左昭右穆皆有以各全其尊惟祫祭始屈於太祖之尊而旁就南向北向之列則各全其尊者常也屈於所尊者暫也今所謂正位南向餘依世代東西分別者是使居正位者止一肇聖王自此而下雖啟聖亦不得以自全其尊而常就傍列故其說亦非也

朱子之言又曰後世

廟皆爲同堂異室

而以西爲上者何也明帝始也降及近

世諸侯無國大夫無邑則雖同堂異室之制猶不能備南渡之後無復舊章雖朝廷之上禮官博士老師宿儒莫有知其原者是古制之不可復見朱子已言之矣爲之準古酌今依經傳義則莫若廟固南向主亦南向不可謂古是而今非也况弟子之於先師後之於先聖主既南向則主祭者以下皆得北面是南向之禮固一定而不可易者也而欲各立一廟以戒尊勢有

不能同居一室而無別禮又不可今惟就一廟之中隨其地之廣狹分爲五室所謂五室者非能準諸古制不過今之所謂龕是也以肇聖仿始祖之禮居於正北 裕聖居左 詒聖居右 稍次而南約前尺許 昌聖居左 啟聖居右 復稍次而南更約前尺許而 肇聖之室視 裕聖 詒聖約深尺許 裕聖詒聖視 昌聖 啓聖復約深尺許從外觀之則五室並齊從內觀之則位之淺深各殊系之尊卑自別其於五聖之靈庶幾其各安也乎要而言之同

卽所爲都宮之禮也 肇聖居北卽太祖居北之禮也 四聖以次而南卽二昭二穆以次而南之禮也 左昭右穆卽不失其序之禮也 各爲一室卽各成其尊之禮也 若此者變而不失其爲常也 權而不害其爲經也 變而可常 權而可經 斯於禮也 其庶幾乎抄錄看語 該本司看得欽奉

上諭啟聖公五代加封王爵改造聖祠添設神牌以隆祀事此誠千古未有之盛典萬世不朽之鴻猷也 但昭穆位次若非依據經義詳請定式則

一省之內各府州縣互有異同非所以尊崇聖教仰答帝心謹博採經傳準古酌今欲令各學廟模歸於畫一未敢擅專擬稿詳呈另繕手摺伏候憲奪

一崇聖祠安設 在聖殿西北即啟聖宮

肇聖王木金父公正中南嚮

裕聖王祈父公東一室南嚮

詒聖王防叔公西一室南嚮

昌聖王伯夏公東二室南嚮

啟聖王叔梁公東二室南嚮

配位

先賢顏氏 無繇

先賢曾氏 點

東廡

先儒周輔成

先儒蔡元定

西廡

先儒張廸

先賢孔氏 鯉

先賢孟孫氏 在殿內西東向

先儒程珦

俱西嚮

先儒朱松

俱東嚮

一正位陳設 五案

每位禮神制帛一 白色 白磁爵三 羊一

豕一 銅一 簋二 簋二 籩八 豆八

酒樽一

一配位陳設 每位一案

禮神制帛二 白色 豕首一 每位銅爵三

簋一 籩一 籩四 豆四 豕肉一

一兩廡陳設

禮神制帛二 每位銅爵三 簋一 簋一

籩四 豆四 豕肉一

藩憲鄂飭發祀

先師五代文式

江南江寧蘇松常鎮淮揚七府徐州一州承宣
布政使司布政使加一級鄂爾泰謹以牲牲籩
豆清醑量弊之儀敢昭告於

肇聖王 裕聖王 詒聖王 昌聖王 啟聖王

曰於戲越自聖人之後復生聖人故去王者而
遙再稱王者伏惟

五王衍殷宗之苗裔開鄴邑之丕基

今皇御極而崇師

今至聖加封乎先代繹循牆之訓五世共昌膺茅土
正之封千秋不朽並先大成而來格敢云明德之

惟馨尚饗

日休遺教自聖人之外野主聖人始去
聖聖王 聖聖王 聖聖王 聖聖王 聖聖王

聖聖王 聖聖王 聖聖王 聖聖王 聖聖王

聖聖王 聖聖王 聖聖王 聖聖王 聖聖王

聖聖王 聖聖王 聖聖王 聖聖王 聖聖王

新增名宦祠名宦

皇清

黎堯勳 知州

崔國裕 知州

李學旻 知州

袁繼咸 揚州道副使
後任九江總制

簡籍 訓導

邵嗣堯 督學

傅臘塔 謚清端兩江總制
贈太子太保

趙福星 撫憲

張泰交 督學陞浙
江巡撫

周亮工 揚州兵備道
贈嘉議大夫

余正健 督學陞
都察院

李培真 揚州兵
備道

王士正 揚州府理刑廳
歷任刑部尚書

張榕端 督學

施世綸 知州歷
任漕憲

新增鄉賢祠鄉賢

明

林正茂

河南布政使

王欽

理學

宮永建

理學

徐燿

都察院右副都御使

王棟

深州學正

皇清

王相呂

睢寧教諭殉節 特贈國子監助教 賜祭

宮繼蘭

廣東羅定道理學

俞應龍

誥封江南道監察御史

李存文

湖廣按察副史

田毓芝

理學

凌儒

都察院僉都

沈譽隆

理學

冒政

巡撫陝西寧夏等處都察院

儲堪

浙江龍游縣知縣

王相說

歷任山西巡按江西督糧道理學

王礪品

理學 歲薦

陸九棘

誥封奉直大夫

李嘉蔭

順德府知府

陸巖

浙江提學

田顯吉

山東嶧縣知縣

俞鈺

陝西延安推官 廣西太平推官

田敬錫

刑部浙江清吏司郎中

繆嶺

浙江掌印都司

繆夢爵

湖廣提學

朱志熹

歲薦考選同知

吳際泰

理學

儒學修葺

先師殿

工程浩重

正徐大中訓導曹濬現在勸捐

戟門

東西兩廡

整

雍正五年學正徐大中督工修

浴沂亭

明弘治五年御史方岳建萬曆年圯雍正四年今巡撫大中丞張公任鹽憲時發銀六十兩署州篆運司張公發銀一百兩學正徐大中訓導曹濬督工修復

學正衙一所

明倫堂東學正徐大中重修

訓導衙一所

明倫堂東南訓導曹濬改建正門向南

未志嘉



李憲劉... 王沐... 劉... 王... 劉... 王... 劉... 王...

優行

皇清

順治二年學憲陳昌言舉優行生員

繆肇敏

三年學憲陳舉優行生員

李嘉蔭

五年春學憲蘇詮舉優行生員

王礪品 易東

五年冬學憲蘇舉優行生員

黃聖錫 徐嗣溥

七年春學憲李蔭岳舉優行生員

韓凝樹

七年學憲李嵩陽舉優行生員

五馬河圖

十一年學憲石申舉優行生員

朱天申

王礪品

十二年學憲張能鱗舉優行生員

唐日昌

朱天申

十七年學憲胡恪舉優行生員

官象宗

唐日昌

雍正六年學憲鄧

舉優行生員

曹振彬

潘鳴鳳

仲彭年

徐義

章士錦

徐宗孺

徐之珏

章士融
 曹廷琳
 蘇五六
 學憲
 蘇五六
 學憲
 蘇五六
 學憲

壇壝

祠祭

宇宙廣矣一氣網緼誰巨誰細卽合卽分幻渺
 瑣屑總屬見聞六合內外不論而存壇壝祠祭
 實佑吾民

社稷壇在州治北門外西北五里舊正門北向今南
 向者後門也後門進有影牆祀神俱南向拜蓋以
 神在北向也其制壇而不屋方濶二丈五尺高三
 尺東南西北出陛各三級北向爲前九丈五尺周
 垣一百二十五步右社左稷埋石柱于壇正中上

露圓尖祭以春秋仲月上戊日用豕羊祝帛等儀

致祭先有神厨庫宰牲宿齋房各三間今廢共工氏之

子勾龍為后土官能平水土祀以為社烈山氏之子柱能植百穀夏以前祀為稷至殷以柱久遠而

堯時棄為后稷亦能植五穀故廢柱祀棄為稷見國語

山川壇兼祀風雲雷雨壇在州治南門外四里南向

其制度與社稷壇同但不用石主用木主三中風

雲雷雨左山川右城隍以春秋仲月上巳日致祭

有司前期二日齋戒用豕羊祝帛等儀周禮祀風師雨師唐

天寶五年始祀雷本朝又加以雲合為一壇城隍地道也故與風雲雷雨並壇而祀舊迎城隍神於

壇合祭而此禮今不講矣

郡厲壇州治北門外東其壇高二丈五尺濶二丈五

尺周垣一百二十五步上有南門神厨宰牲房各

三間今廢祀典以清明七月望日十月朔日晡時

祭無祀鬼神先期主祭官詣城隍廟發告文至期

迎城隍神位于上列無祀鬼神于傍其祭用豕羊

羹飯冥衣

鄉厲壇每鄉立無祀鬼神壇共一百四十二處俱在

各鄉左傳謂神有所歸乃不為厲厲祭自三代以來有之明朝洪武三年命天下立壇以祀鄉

厲各里都立之

外史氏曰夫土穀之神將為民禦災捍患是賴然早

乾水溢則變置凡以為年耳神既以關於年而祀有其舉之莫敢廢也則犧牲粢盛安可不虔且潔哉或問祀厲者何昔伯有為厲子產立其國且曰匹夫匹婦竟鬼猶能依馮於人以為淫厲厲沴也厲壇為無後者設亦飽餒澤枯之義也夫誰曰不宜

廟祠

城隍廟州治東南每有司朔望行香及災旱祈禳到任宿齋皆宜在焉唐宋以來其祀遍天下或賜廟額或頒封爵至明朝洪武初悉革爵號改稱某府州縣城隍之神制備義精足祛前代之陋

事物紀原云秦劫

臣馮尙夢感于漢高祖曰奉上帝命與王領城隍廟陰事故自漢至今遂為天下通祀

泰山廟

州治西其神碧霞元君額題泰山行宮

祠山廟

州治東 龍王廟

卽靈濟廟

州治西北五里相傳昔有游龍自仇湖東居郭太保潭祈禱輒應會運河決宋

守王揚英以禱神蜿蜒水面河尋塞又宋淳熙十一年守萬鍾因五六月大旱用皇祐法設壇刑鷺

以祭甘霖隨之歲大稔明年三月詔 馬神廟 州治東乃

封敷澤侯勅海陵建廟春秋致祭 馬神廟 州治東乃

之神 上真殿 北門外 立帝廟 一南門外 關王廟 一海

道東一州治西南一北門外北山寺西一北門 五

外厲壇東州神宮景隆建一南門外一安豐場 聖廟 在州治西宋建隆年 土地廟 州治 小郎廟 州

北一旱 晏公廟 一干戶所內西偏一荻柴港一雙

新橋西 廟 州治東屬壇後一和合廟 西門內經 奶奶廟

州治西南今東嶽廟西門內經金龍四大王廟北門

外西口火星廟舊州治西經武橋右文秀廟州治西

三年建梁昭明太子嘗至此州人謂五龍王廟南

外海春館西創建時有五色蜴之韋龍將軍廟鎮南

白馬將軍廟州治北四里即漢秣陵尉蔣子文祠

自謂死盧將軍廟州治北開化院西與王屋禪八

當為神南門外萬曆四十年城隍廟海安鎮舊辭郎廟

西溪鎮新城殿州治錢家殿州治三官殿一州治西

拈茶場三光殿州治祖師殿河張仙祠豐利大生

祠州治安定胡先生祠一在鐘樓巷嘉靖間移祀

御王友賢重建三賢祠海安鎮祀范文正崇儒祠

一在安豐場名儒王良祀儲文懿公祠光孝寺東萬曆四十

公祠萬曆四十五年鹽院謝報德祠州治南祀海

熊兵憲祠海道東為鄭公祠州治東南為愍義祠

州治南萬曆二十三年為劉啓衷丘啓賢李邦

相李邦翰劉光道方士元六生溺死于淮建

舊有武烈帝廟州東祀隋文學廟祀梁昭助順

聖妃廟樂真女冠子廟在招賢橋西去百步陳

生七歲尙未能言一日仰空中若有所晤對者

然因契玄門宗旨稍長言禍福如券時張士誠

亂姑言異日當來借糧須築壘禦之仍畫拒兵

其阜至今峭若丹壁不數年 仇湖龍神廟州治東北

姑飛昇去鄉人立廟祀之 五聖殿新場列仙祠祀海陵周處

百善利廟西溪鎮士祠太子忠節祠州治東南三忠祠祀宋忠貞

節姜才忠 六太守祠祀孫虎臣三忠祠李庭芝忠俱廢

新吳公祠祀理學吳際泰在節婦祠祀沈元美孝

女祠祀代父陳寬孝節婦祠祀徐篤生妻三節

祠祀吳守信側室王氏吳湘妻

城隍廟捐修多年傾地道官李實茂募捐里民

定獨新審宮自禮獨新大殿五楹監生張仁

兵戎

明守禦千戶所舊在駱駝嶺之上洪武元年正千戶

謝成開建後千戶王軌重修千戶王之屏扁其堂曰

經武

原設正千戶一員副千戶七員副鎮撫三員百戶

十員嘉靖三十三年征倭陞授指揮僉事一員副

千戶二員試百戶二員吏目一員軍人一千三百

四十一名秋班京操軍三百一十五名運糧軍四

百八十名掘港寨備倭軍二百五十名城操軍一

百九十八名守門軍四十名看守城舖軍二十八

名巡鹽軍十名巡捕軍十名
屯種原額田地一萬九千三百一十五畝零計夏秋
二稅屯糧六百七十二石每石折銀三錢五分共銀
二百三十五兩二錢
總計屯田一百一十二分原盡屬千戶所第十所
管轄屯務其糧徵收解府至天啓二年運糧旗甲
人等告稱累乏窮苦將前田分派各所耕種審准
依允照有運船四十八隻各得一分派出四十八
分以資運軍之用其餘仍在第十所官軍領種在
上錢糧近奉屯院移文本文新設屯官一員徵解

庶乎責有專委矣

官兵原額七百員名舊屬徐州兵備道所轄

嘉靖三十三年倭寇犯順添設海防兵備道駐劄

本州隨設中軍官一員哨官一十八員兵增至一

千八百名後因倭微少息每年汰去止中軍官一

員哨官五員兵五百九十四名近又以邊防宜密

中軍廳新添兵三百名忠義營召募家丁四百名

中軍營舊惟委用衛所官員今兵部題准欽依守

備遵授前職以都指揮體統正營行事忠義營兵

添設都司官一員管轄

營寨六

掘港寨

如臯縣東

拼茶寨

寧海鄉二十九都

角斜寨

寧海鄉二十九都

劉莊寨

東西鄉二十五都

日駒寨

東西鄉三十五都

木丁美舍寨

東臺場海口

自富安至小海等八場墩臺一十一座墩軍三十
三名民夫七十七名

皇清 泰州營額設官兵俸餉

遊繫一員月支俸薪等銀十九兩二錢七分八釐

三毫三絲三忽歲共支銀二百三十一兩三錢

三分九釐九毫九絲六忽

中軍守備一員月支俸薪等銀七兩五錢五分八

釐八毫三絲三忽共支銀九十兩七錢五釐九

毫九絲六忽

千總一員月支俸薪銀四兩歲共支銀四十八兩

把總二員每員月支俸薪銀三兩月共支銀六兩

歲共支銀七十二兩

馬戰兵二十五名每名月支餉銀二兩米三斗月

共支銀五十兩米七石五斗歲共支銀六百兩
米九十石

步戰兵七十三名每名月支餉銀一兩五錢米三
斗月共支銀一百九兩五錢米二十四石九斗

歲共支銀一千三百一十四兩米二百六十二
石八斗

守兵二百六十四名每名月支餉銀一兩米三斗

月共支銀二百六十四兩米七十九石二斗歲
共支銀三千一百六十八兩米九百五十石四

坐戰四十一疋每疋支乾銀一兩五分月共

支銀四十三兩五分歲共支銀五百一十六兩

六錢

以上官兵三百六十七員名馬四十二疋每

月該支銀五百三兩三錢八分七釐一毫六

絲六忽米一百八石六斗歲共支銀六千四

十兩六錢四分五釐九毫九絲二忽米一千

三百三石二斗

泰州僻處海隅鹽場利藪五方雜處防範宜肅
且瀕於巨浸非常出沒尤所宜慎今

國朝兵制精嚴墩堡相望萑苻無警雨過人耕月明
犬臥民皆相安於熙皞之世矣

驛鋪

吳陵驛洪武元年守張遇林建於州治之西後驛革
正統十二年同知王思旻移建於州治前稍東置為
府館

南門館驛在州治南迎恩門外宋名海春館紹興元
年守陳垓初建於南門外橋西元末兵燹無存洪武
元年守張遇林復建於南門河側永樂九年守劉景
文修又圯成化九年守左輔重建二十一年守彭福

以往來舟次不便移建濟川橋西

舊有行衙在阜遠門內兩驛東西相對今廢不存
見山驛舊為七里亭門望江南二山因取名亦廢

急遞鋪一十五處 每鋪官廳三間郵亭一座
左右房三間外門一間

州前總鋪 城東十里鋪 葛瑛鋪 流汗口鋪

姜堰鋪 朱家店鋪 白米鋪 曲塘鋪 潭口

鋪 查家莊鋪 海安鋪 以上十一鋪俱州治
東止存州前總鋪 城

西十里鋪 祁家莊鋪 謝家鋪 城南十里鋪

廟灣鋪 以上五鋪俱州
治西與南不存 近年南北關廂鋪舍 大寧橋 天寧橋 嘉泰

橋 元履坊 進德坊 文利坊 鐘樓巷 馬

廠前 州後 坡子上 管王廟 小關口 演
 化橋 豬行舖 便民橋 郁家舖 東壩口
 安家橋 破橋東

外史氏曰皇華使節所臨憇於斯廩於斯舟輿迎送
 於斯卽古地官掌邦委積以待而舖亦節從者之勞
 代停驂也驛有丞舖有司夫馬數乏責在驛置郵期
 愆責在舖三尺森如疇敢干者第比來星馳旁午疲
 於奔命不暇且有非分苛索繼之以榜掠鞭笞為民
 上者宜思軫恤之矣

鄉都

○東西鄉州治東北轄都七塲七里六十三

一都里十二都里七三都里九四都里九三十三都里九三十

五都里一何梁場里一東臺場里二丁溪場里二草堰場里一

○小海場里一白駒場里一劉莊場里二

內原有十五都五里因凋疲并二里入一都并一里入三都并一里入四都并一里入三十三都

○招賢鄉州治西北轄都四里四十一

五都里十九都里八上十都里十下十都里十三

○永吉鄉州治東轄都四里二十六

十三都里八十四都里三十六都里八三十四都里七

○蒲津鄉州治東南轄都五里十五

十七都里二十九都里二十都里二十一都里二十二都里五二十

三都里五

○寧海鄉州治隸南轄都七場五里二十八

二十五都里二十六都里二十七都里二十八都

里二十九都里三十二都里七都里一都里二梁梁場里二安

豐場里二拼捺場里四富安場里一角斜場里一

○在城實在六里河泊所六里

以上五鄉二十六都十二場并在城及河泊所共

一百八十九里

寧鄉鎮州治東北六十里隋置海安鎮州治東一

唐置海安縣縣廢為鎮今置巡檢司西溪鎮州治東北一百二樊汊

鎮州治西北斗門鎮州治西二十里宋淮南轉運

水民甚便之因以為鎮港口鎮州治北漆潼鎮州治東北姜

堰鎮州治東四白米鎮州治東六曲塘鎮州治東

里中村州治西北魚行莊州治北五里邊城莊州

北四十里上溪莊州治東北葉店莊州治北三查家

莊州治東獨樹子莊州治東茅山莊州治東北

外史氏曰夫鄉都之設所以覈生齒糧課令無偽脫

也越十載一編冊上之地官氏以報實則凡一民一

物皆不失其紀矣夫子曰吾觀於鄉而知王道之易

易也豈不信哉彼都人士比閭聚族環處一鄉蒸蒸
焉襁褓禮義沐浴教化俾地為人重如天章閣胡公
而卽以安定名鄉斯有榮施耳

街市

城之內自北而南大街 自東而西大街 十勝街

州治西南入樂真橋小街西至尖龍橋處也相傳
宋太祖從周世宗兵入泰州一日十勝及宋受命
則勅其街 曰十勝 狀元街 儒學大街 嘉靖間學正陳琦因
王俊又中宋徽宗時狀元故名

運司街 在州治南 銀行街 在州治西南 米行街 在

治西南登 泰興街 在州治南 興化街 在州治東 新

橋市 南北關 魚行市 州治北 東河市 州治東 瓜市

州治東 蒲鞋市 三 一在登仙橋北一在狀 姜堰市

在州治東 歌舞巷 鐘樓巷 姐畱巷 務巷口

萬家巷 頂備倉巷 荻柴巷 蔡孝女巷 杜

家巷 石人巷 以上巷 徐家巷 羅家巷 石頭

巷 堂子巷 河泊所巷 五條巷 鷄鵝巷

徐家巷 嚴家巷 西壩巷 陳家巷 顧家巷

許家巷 吉家巷 忠義巷 井兒巷 灣子巷

木廠巷 東壩巷 壇場巷 便橋巷 板廠巷

沈家巷 滄浦巷 郁家舖巷 盧方巷 以上北

皂角巷 楊樹巷 瓶礮巷 竹木巷 以上南

外史氏曰韻府曰街 四通道也傳曰商賈藏于市蓋市之達路為街街之輻輳為市也天有街在昇畢之辰海有市為樓臺之氣帝王取噬嗑以為法列國致天下之民舉百貨交易于日中使農末相資而各得其所豈非因化育而為治者哉雖然禮之於市經之平之均之行之要在由其街者無市者無市心勿徒以徵貴賤權子母為汲汲也

坊表

泰州之坊表州治正南曰海陵保障東曰紀綱重地西曰文獻名邦鼓樓曰聲聞四達 表學宮一 永曰

兩淮文獻西曰萬世師模 都察院三正南曰節

鎮中原東曰文武師帥西 南北樞機 表東察院

二東曰激濁西曰揚清 海道二東曰詰戎西曰

秉憲 表教場一曰鷹揚

表科第 解元坊二 為黃榜開科一在北門外坡

子上為儲 會元坊二 一在北門外坡子上為儲

元坊 大寧橋河西宋宣和元年為狀元王俊 進士

坊二 一在州治西大街為李彬建一在登仙 恩榮

進士坊 大寧橋北為 父子進十坊 通倉橋北為都

徐嵩建 少宰都憲坊 新橋西為 少司空坊 清化橋南

舊名學 都諫坊 大寧橋南為 清朝世恩坊 稅務橋

憲坊 陳在陳汲 少司馬坊 八字橋北為 侍御亞元坊 登

橋為顧 廷對建 柱史坊二 一在登仙橋北為凌儒建 父子司

堂卿叔侄聯第坊 在登仙橋南為進士陳 父子司

徒坊 為劉清劉 百歲人仙三朝人傑坊 在南門內

建 南臺風紀北門鎖鑰坊 在古州內為霸 司馬世

德兩省福星坊 在南門內為憲 正色立朝純

忠體國坊 在南門內為 以上或二東進士坊三

寧橋大街南為林工 寧橋南北各一為

試登科坊 大寧橋南 橋大街北

建方伯坊 大寧橋東大 鍾秀坊 崇明橋東北為 鳴

鳳坊 八字橋北為 都憲坊 大寧橋大街 榮武坊

登仙橋東北為 文顯坊 登仙橋東北為 橋梓揚芳

坊 大寧橋大街北 濟武坊 登仙橋大街南為 傳臚

坊 登仙橋大街南為 啓鳳坊 南門外板橋南為

世榮坊 文雅坊 登庸坊 南門外濟川橋北

經魁坊 北門外為 頡魁坊 東壩西北街為 狷霄坊

清化橋北為 繡衣坊 大寧橋南為 大方岳坊 登

橋南為 以上俱廢

表理學 崇德報功坊 在安定

表孝義貞節 孝子董公祠坊 在豐利橋東自此西去有董公祠

鹽院謝義民坊 登仙橋河東南表 崇孝坊 崇明橋西為孝

正義民坊 陳護家六世同居 雷信 許禮 游淮

貞節門四 張義妻姜氏 李巖妻陳氏 沈行可妻李氏 陸敬 盧源

在城 進德坊 在登仙橋西以查尚書故名 臨淮坊 大

橋河 鼎魁坊 崇明橋大街東為宋廷 文利坊 舊名

又名文德 杜母坊 元履坊 叢桂坊 登仙橋西

陽居 周孟 入儒學 對第三名丁時發建 文利坊 文雅

北關 野陸坊 管王廟坊 新安坊 大寧坊

永安坊 忠義坊 永興坊 南關 務本坊

大寧坊捐修 街道地懷監生張仁定倡捐出大寧橋至南關俱以石易磚城之內外換次捐修行者便之

貞節坊 順治十三年為節婦生員田大有妻王氏建在溱潼鎮

節孝坊 康熙二十一年為節孝婦沈元美妻孫氏建在天寧坊

孝女坊 康熙三十一年為代父陳寬孝女蔡蕙建在南一舖

烈婦坊 康熙五十九年為烈婦儒童儲濯妻陳氏建在天寧坊陳家橋

貞節坊 雍正五年為節婦徐篤生妻周氏建在北門外天德巷口

節孝坊 雍正五年為節婦吳守信妾王氏節孝婦吳灝妻池氏一為節孝婦儒童吳湘妻沈氏建在北門外便民坊

橋渡

南北門大街則有迎恩橋 南門內舊係磚圈後圯萬曆三十年守李存信改板

橋 南北市河則有豐利橋 自南村負草來鬻者多聚此俗呼高草橋此南

水門入第一橋也舊名暮春淳熙三年建近圯省祭夏時雨募修登仙橋乾道元年

水門入第二橋樂真橋淳熙十二年守萬鍾建嘉定七年

嘉定橋在街心紹興十年守王喚創開東西市河

遇林重修舊名日中橋俗太平橋淳熙十一年守

名八字橋又日小市橋洪武三年守張遇林建南

水門入第四橋也以近稅務俗謂稅務橋泰

寧橋淳熙十一年守萬鍾建嘉定十一年李王家

橋係板橋舊迎淮橋北門內今名且樂北水關板

橋舊志不載東則有太和橋即今州橋以近州故名或

周孟陽建鳳凰橋州治南跨長堤度僧橋南山寺

小磚西則有天寧橋光孝寺東嘉定十三年守伏

龍橋州治西南舊傳趙太祖從周世宗兵至泰州

三思橋以近州令訟者至是三嘉慶橋以橋成於

之問而名淳祐元年守西南則有經武橋嘉定十

陳垓修今改為板橋陵王綸同為樂真人立觀因

李駿開新河金蘭橋跨太子港舊傳昭明太子邵

創此橋以易斷金利民橋淳熙十二年守萬鍾建

如蘭之義名之東又小橋二堂後

修改名小橋跨東市河駝嶺之東

泰寧藕花洲以上俱在城裏

城內西市河又有蔡家橋南通經雙橋西接泰

湖翟家橋經武沈家橋祐西城外四門各有吊橋

東則有迎春橋守張遇石橋東山通仙橋宋建炎

樂十三年千戶王彬三塘橋去城一里常樂橋去城二里中

河橋東四里紀家橋東市河四里元正間里人紀

有石南則有濟川橋即高橋跨南官河如阜通州

刻存王思旻重建俗呼南橋有耆老西南通川橋跨濠

化年千戶嚴茂建寶帶橋萬曆年間庠生李斯募建北則有徐家

橋去州二里拱辰橋去州三廣運橋西壩西正統九年

化十一年里人朱旻改石橋廣濟橋在魚行市成

敬永興橋近西倉通倉橋王思旻建便民橋東壩南洪武

清化橋去州二里永安橋守黃道理重老東河

橋去州四里景泰三豐利橋舊名韓家橋西河則有招

賢橋州治西北東河則有大通橋近東華家橋近

則有南斜橋州治東北通五北斜橋州治東北

通茅蘢湯橋去州二里宋太祖兵至泰州民有東

家堡北則有查家橋去州二十五里宋尚書查陶墓西

溪鎮則有鳳昇橋昔仙女乘鳳而去與董永義鄉

橋漢董永孝義事感於一鄉又北通朝宗橋第三

水東向朝宗通聖橋第四橋俗廣濟橋第五橋與

於海故名通聖橋名通廟博真橋鎮稍北西通

向俗名八字橋谿光橋東市河博真橋博真河橋側

有步海安鎮則有花花橋古有今磚橋即牙橋海

鎮東離臺康丕揚建南通夏家橋州治南城子溝新城渡

官河北通十鹽場運河
州治北王家渡州治西沈家渡州治西

修南濟川橋舉人孫雲修東迎春橋里人宮自禮捐

外史氏曰天漢起東方經尾箕之間曰天津先王因

民水陸限隔觀象於天以舟濟之士庶病涉俟天根

見而水潤農事甫畢詔民成徒杠輿梁俾得往來以

相通儻所稱周行非耶今州境之橋無慮百餘坦然

共適庶無深厲淺揭之虞第歲久易於朽腐所時當

省視而葺治者也若待圯後而始鳩工庀材可解曰

亡羊補牢未晚哉

泰州志卷之二終

